

**NA KA BUAI NIAM
SHA
KA SHEMLANOT
BAD**

**HALOR KA JINGUJOR
IA KA KHANATANG JONG KA
HIMA SOHRA**

★
★ * *Ngan nym khwan ia ka bneng,* ★
★ * *Lymne tieng ia dujok,* ★
★ * *Ngan bat ia ka jingsneng,* ★
★ * *Ban kamai ia ka hok* ★
★

**DA
U B. V. Rymmai**

1998

NA KA BUAI NIAM SHA KA SHEMLANOT

BAD

HALOR KA JINGUJOR

IA KA KHANATANG JONG KA

HIMA SOHRA

* *Ngan nym khwan ia ka bneng,* *
* *Lymne tieng ia duyok,* *
* *Ngan bat ia ka jingsneng,* *
* *Ban kamai ia ka hok* *

NONGTHOH U BAT TYNGKAI,

IA LA KA HOK LONGTRAI

DA

U B. V. Rymmai

1998

HA KI HYNMEN BAD KI PARA

I

Ha ki hynmen bad ki para jong nga,
Ki shynrang bad kumjuh ruh ki kyathei;
Ha iing trep iing skum ngi ialang kawei,
Ha rympei basyaid i mei bad i pa.

U Phil, u Hem, (I. T. Syrvia) Rymmai,
Ia ka sngi u bnai nyngkong ki iohi;
Ia nga ki ialam bad ki btin lynti,
Bad ki nyngkong nga nang, ban ialehkai:

Jinus, Phransis, Sabina, Albinus,
Ia ki nga lam, nga btin, kin ym jyntbut;
Kumno kin nang ban iaid: 'Dinda dinda',
Kumne nga hikai ia la ki para.

Hangne kein ba lung ka sngi bad u bnai,
Shi para ha phyllaw ngi ialehkai.

II

Ngì ia sohtyngkoh, ngi ialeh mawkhan,
Ngì ialeh iarieh, ngi kynting mawsan;
Kumne ngi ialehkai baroh shi para,
Tangda ka jingsuk bad jingkmèn suda.

Hynrei marwei nga leit sha ri nongwei,
 Ban wad jingstad ban ithuh ia u 'A';
 Mynsiem ka tmang, ummat ki shlei,
 Ba nga kynmaw ia ki hynmen - para.

Hynrei jyndei ia nga ki ia pyntngen,
 "Bahrit", ia nga ki ong, "wat sngew eiei;
 Minot ia ki kot, jingstad phin sa shem,
 Kum u Khlur phin tyngshain na trep i Mei".

Jingsuk kan long ia phi hynmen - para,
 U Blei na neng ia phi, un ri un da.

.....

NA KA MIEJ U NONGTHOH :

.....

Kael Ka Niam ? ? ?

Katkum ka jingngeit Khasi, ka Niam ka wan na ka ktien 'Nia - im', kaba mut ka nia kaba im. Kael pat ka nia ? Ka nia pat ka dei ka ktien bad katkum ka jingngeit Khristan pat ka ktien ka dei u Blei. "Ka ktien ka la wan long brierw" (Ioanis 1 : 14). Uei pat uta uba la wan long brierw lyngba ka ktien ? Uta u dei u Jisu Khrist. Uei pat u Jisu Khrist ? U Jisu Khrist pat u dei u Blei ba shisha bad u brierw ba shisha, ong ka jingthoh bakhuid. Namar kata katkum ka jingngeit Khasi ne Khristan ka nia lane ka ktien ka dei ka Niam, namar ka dei ka nia kaba im bad ka Nia kaba im pat ka dei u Blei lane ka Blei kaba ngim dei bau ialehkai bad ka. Namar kata kael kael kaba ia dei bad ka Niam u Khasi lane uno uno u jait bynriew u da khein kor bad khein kytang haduh katta katta.

Hynrei kaba sngewsih ka long ba ha ka juk mynta, bun ki brierw ki shim ba ka Niam kam dei shuh ka nia kaba im, hynrei ki shim ba ka dei tang ka jingngeit Kael pat ka jingngeit ? Ka jingngeit pat ka dei kata kaba u ta uba ngeit u shem ha ka ia ka jingshisha bad kata ka jingshisha kaba u shem ka pynlong ia u ba un ngeit. Kael pat ka jingshisha ? Ka

jingshisba pat kumba ka paw ha ka juk
 mynta kiba bun ki shim ba ka jingshisba ka
 dei kata kaba pynurlöng bad kaba pynhun
 ia ka jingangnud ne ka jingkwah u briew
 (Any thing that can be proved and yield
 satisfaction). Kum ka nuksa, u briew uba
 kwah ban roi ha ka long spah long phew ne
 ha ka nam ka burom, u duai u phirat,
 u kfiia u khriam bad u da buh phan buh
 kyrpad ban ioh ia kata ka jingangnud bad
 haba u ioh ia kata ka jingangnud u shim ba
 kata jingleh jong u ka long kaba shisha bad
 haba u shem ba ka long kaba shisha hangta
 kein u ngeit bad shisien ba u la ngeit u
 mane bad pynlong Blei ia kata ka jingngeit.
 Da kumne kein ngim sngewphylla shuh balei
 u briew ha ka kyrteng jong ka Niam ba u
 ngeit um sngew, sang shuh wat ban pyniap
 ia la u para briew ruh. U dap da ka myn-
 siem kuhw, bishni - pihuin kiba har rukom
 ia kito ki bym dei na ka juh ka jingngeit,

Kram - ram la kyllon ka diengiei,
 Tbk dkut u sonpet bneng ;
 Jar, na pdeng u briew jah u Blei,
 U briew, u ang tyngheng.

Haba pynshong nia ia kitei ki kyntien
 bad haba ring ksai ia ka jingiathuh khaña
 pateng ki tymmen shaphang ka jingkyllon
 ka diengiei, ngi poi sha ka phang ba u khun
 bynrrew u sah ha ka dum ka lyngngoh. Tlfp-
 tlip ha ka jingdum u tare ban wad ia u
 Blei hangno u don. Ngain ha ka jingshaiong

u seng nia, u sain u pyrkhath kumpo : ban ia kynduh biang bad u Blei. Khatduh ka jingshai ka wan, u seng ka duwan ka dupat u pynbiang ki dkhot ki dkhai - ki dah ki dong bad hangta kein u iakren bad u Blei lyngba ka knia ka khriam da ka nia hok ka tlen hok bad u Blei ruh u ju bab ia u briew da ki da ki shin kiba wan paw ha ka knia ka khriam. Bad ia kane ka rukom ba u briew u iakren bad u Blei lyngba ka knia ka khriam la khot ka 'Niam'. Namar kata ha u Khasi kano kano ka Niam kaba khlem ka duwan dupat, khlem ka knia ka khriam. Kata kam dei satia ka Niam.

Lyngba kane ka seng nia, ngan poi sha kaba kut ban ong, ba'ka Niam ka dei ka lynti ne ka jingkieng kaba pyniakynduh biang lane kaba pyniasnoh biang ia ka jingiadei hapdeng u briew bad U Blei.

Shi kyntien pat shaphang ka Drama "Na ka Buzaid Niam sha ka shemlanot", Nga la thoh ia kane ka Drama da kaba seng nia bad pynsbong nongrim na ki jingjia kiba mih na ka por sha ka por kiba sangah ia ka jinglong kawei jong ka jaif bynriew. Kano kano ka jingbuaid ka dei kaba sniew tam, ka pynhiar dor ia ka longbriew manbriew, ka khura ia ka jingiatiplem bad ka da pynjot bad pynduh syndon thlaw ia ka bor pyrkhath tip briew tip Blei

Don kiba pyrkhath ba ka Niam ka dei ka Deiti kaba u briew u dei ban leit ban ban shakri sang ia u Blei. Da ka jingmut ba ki leit bad shakri ia u Blei ki klet bad leit bad ban shakri ia la u paramarjan. Nang-

ne miß ka jingiapher jingmut, ka jingiashun, ka jingiakawang ktieh bad ka jingiakren bein kawei ka Niam pyrshah ia kawei pat. Hato ka long kaba lah ban ngeit ba u Blei u donkam shisha ia kata ka jingieit bad ka jingshakri jong ngi ia u? Da lei lei ruh kan nym long kumta, U Blei u long uba lah lut bad dap lut na lade, hi um donkam ia ka jingieit lymne ka jingshakri jong ngi ia u. Ha kaba jadei bad kane to ngin iabishar bad ring jingmut na kine ki kyntiew khia thew jong kawei ka riew khraw jong kane ka pyrthei, Ka Mother Theresa, kaba dang shu kh-lad shen ha ka 5-9-97, kaba long ka kmie jong kiba duk bad kiba shem jynjar kaba la kloï ban iarap bad leh isynei salonsar ia baroh kiba donkam ia ka jingiarap jong ka, kh-lem da fiew shiliang khmat la ki dei na kano kano ka jait niam ruh. Ki kyntien khia thew kiba ka ju pyndonkam ki long kumne:-

“How can you love God whom you do not see, if you do not love your neighbour whom you see, whom you touch, with whom you live”. Ha ka ktien Kha-si ka mut kumne:-

“Kumno phin ieit ia u Blei uba phim iohi, lada phim ieit ia la u paramarian uba phi iohi, uba phi iaiaid iaeng bad uba phi iaim ryngkat”.

U Swami Vivekananda ruh uwei na ki khun bakhrav jong ka ri India, u bhakti ia ki ad-ngbud jong u, ban ieit bad ban shakri ia u Blei da kaba ieit bad shakri ia la u para

briew (To serve God in Men), Hooid wat u Jisu Khrist hi ruh um shym ong, 'To ieit ia u Blei kumba phi ieit ialade hi'; pynban u hikaj: "To ieit ia kiwei kumba phi ieit ialade hi".

"Haba ha duwan phi tyrwa la jingkia
Hangta phi kynmaw ba phi shun ia ki lok,
Ieh la jingtyrwa bad to leit ban iasuk",
Kumta kein ong u Trai Jisu.

Hynrei kaba sngewsih ka long ba bun bah ki buaid jingngeit kumba la al nuksa lyngba kane ka drama, ki khun ranab ia ka pyrthei kaba pyllun ba kan tyllun tang ha i jylli jong ka jingngeit jong ki. Ha ri Bilat ki Catholic bad ki Protestant kim ju don jingiashongsuk, ki tan tyllai bad pynksan ia la ka jong ka jong ka jingngeit. Ha Bosnia ki Serb bad ki Bosnian ki ia umsnam tang namar ka jingiapher ha ka jingngeit niam. Ha Algeria, ha kine ki khyndiat ka jingsnem ba la dep da ki phew hajar ki mynsiem ba lui lui ki shah pyniap ei tang namar ka jingiapher ha ka jingngeit niam. Ha ki ri Middle East, ki ri synshar Muslim, kim kwah ba kiwei pat ki jait niam kin don lait na ka niam jong ki, ym tang katta ki da pyndik, pynshitom, pynjynjar bad ki da raf rub haduh ka jingiap ia kito kiba pyrshah bad kren ibein ia ka niam jong ki. Ha India u Muslim u bah la ka wiat u Hindu ruh u bah la ka wiat. Te hangno kata ka jingieit jong ki ia u Blei ka don? Ha ri Khasi jong ngi ruh kumjuh U Katholic u king la ka lieng u Presbyterian ruh u king la ka lieng.

kiwei kiwei ki Balang ruh kumjuh Lada ar kin ia
 tyngkbuh ka duriaw ruh kan sa pluh, te hangno
 kata ka jingieit bad ka jingshakri bashisha
 jong ngi ia u Blei ka don. Te nongpule ba-
 ieit lada kum kine kiei kiei phi iatyngkhuh
 ha ka lynti iaiaid jong ka jingim jong phi, to
 da pyrkhat bad puson bha ha la marwei wat
 ju shim ia ka rai ha la ka kti namar ka rai
 ka dei ka jong u Blei.

Khatduh to ngin iapuson jylliew bad
 pynshong nongrim sa ia kine ki kyntien khia
 thew jong uwei pat u nongthoh uba la batai
 shaphang ka niam kumne.-

"Religion is a personal affair that should
 not have anything to do with public
 matters including politics. Man has made
 religion to discipline himself and to sa-
 tisfy his spiritual needs. Any religion
 that give birth to riots and violence
 can not be a religion. Religion can
 not exist without life.

But ironically, man has been exploiting
 religion, to reap political harvest to
 inject venom and to divide the people".-
 Mr. Ajok Bohra.

Ki jingjia kiba nga thoh ha kane ka dra-
 ma ki long taag ki jingmut dur ki jong nga.
 Ki Tyngshop ki Purok kiba don hangne ruh
 ki long kiba nga shujer hi ban pynlong ia
 ka Drama kaba don jingim bad kaba

don jingmad, kim don jingiadei ei ei bad ki
briew kiba im kiba khih ba long ha kane ka
pyrthei. Te lada don kino kino kiba iahap
tar bad ki tyngshop ki puron ryngkat ki jing-
jia kiba don ha kane ka Drama, nga kyrpad
ba phiñ ym sngew ei ei namar kim dei kiba
nga da mut khnang.

Kyntang iawai, ngan pynpaw da ka jing-
sngewnguh kaba khraw, lada don kino kino
kiba kloi ban kdew bad iarap pyndap lem ia
ki jingbakla bad ki jingduna jong nga ha ka-
ba iadei bad kane ka Drama.

Khublei shibun.

**Nongthoh,
Mr. B. Vitus Rymmai**

**Jaka : Pdengshnong—Sohra,
Tarik 20th Rymphang 1993.**

Ki Nongshim Byata Ha Kane Ka Drama

1. U Johnson
2. Kpa u Johnson
3. Kmie u Johnson
4. Ka Balabakla
5. U Buddien
6. U Pyrman
7. Ka Klet (Khynnah 12 snem)
8. Kmie ka Balabakla
9. Kpa ka Balabakla
10. U Sympain (Kni ka Balabakla)
11. Ka Baiamon (Para ka Balabakla)
12. Rangbah shnong (dong Mawlai ba shong ka Balabakla)
13. Rangbah Pulit bad ki nongbud jong u
14. U Kliaw (U khynnah 13).
15. Paidbah No 1, 2, 3, & 4.
16. U Kynpham (u trai iing ba sah wai ka Balabakla).
17. U Jylliew Jingmut (tymmen 82 snem)
18. U Phadar
19. U Pastor.

Index

SCENE	ACT		Page
I	I	Ha ling u Johnson 1
II	I	Ha ling sah wai 10
III	I	Ha lynti 23
IV	I	Ha ling sah wai ha Sor 32
IV	II	—do— 34
V	I	Ha ling kmie ka Balabakla 36
VI	I	Ha ling u Rangbah shnong Mawlai) 44
IV	II	Ha ling sah wai ha Sor 46
I	II	Ha ling u Johnson 55
V	II	Ha ling kmie ka Balabakla 70
VII	I	Ha lum jingtep 77

NA KA BUAID NIAM SHA KA SHEMLANOT :

Katkum kajingiaid jong ka por, kiei kiei baroh ki iaaid beiti iaaid ryntih, khlem jingbuhkhoh, wat la ki jan la deika por ban kam sha shiliang u pud jong ka jingim, pynban ki dang snoh hi rdin bad pynch hi triang, kum kiba pyrkhath ba ka pyrthei ka dei tang ka jong ki. Kum kine kiei kiei ki synshar bad kin dang iai synshar hapoh ki dohnud ba sangem bad ba bun syrtap jong u khun bynriew. Lah ban ong ba la poi ka juk. 'Ka Juk hangamei'. Ka juk kaba pynsngew ba uba don ka bor ka iktiar, ka spah ka hajar, u sngew ba dei tang ma u uba hok tam ha ka pyrthei, u khein poh ia kiwei bad u niew ia ki kum ki bym larkam haei haei ruh. Namar kata u khein ba kat kaba u leh ne ong ma u ki long kiba shong hok shong blei suda kaba kiwei ki dei ban shu kohnguh beiti. Lah ruh ban ong ba la poi ka juk. 'Ka Juk Buaid Niam', ka juk ha kaba kiba ngeiti niam ki sngew ba dei tang ka niam jong ki kaba lah ban pynpoi bneng ia u briew. Namar kata ha ka kyrteng jong ka niam kim sngewsang wat ban pyniap briew ruh. Ha ka kyrteng jong u Blei ba ki mane bad ha ka kyrteng jong ka niam ba ki ngeiti, ki leh ia kiei kiei kiba long pyrshah ia ka ain briew ain blei bad wat ka bor jong ka jingiatiplem ruh kam lah ban khura ia ka dohnud ba sangem bad ba bun syrtap jong ki. Kum kine kiei ki jia bad kin iai jia ha kane ka Ri umsnam u Kni u Kpa jong ngi bad lada ngim kynditi

(ii)

bynriew noh kloï naduh mynta, ka Ri bad
ka jait bynriew jong ngi kan sa kad arliang
wak.

Lyngba ki iit khmih ba bun syrtap, u
Pyrman u iohi bad bishar ia ki jinglong jing-
man bad jingleh jingkam ba har rukom jong
ki briew ka juk mynta.

NONGTHOH

SCENE I ACT I :

Ha iing U Johnson :

Don u Kpa, ka Kmie bad u Johnson

U Kpa :- (U peit sha la u khun nangta u ong) Khun kum ban shu ia kren ia ka juh shi ka jub, nga ngeit ba me la sngewthuh hi, ba kam long kaba bha ban saitlah ia ngi ki kmie ki kpa da lei lei ruh. Pyrkhat rangbah noh naduh mynta bad klet noh shi syndon ia kato ka samla jong me kaba me la ialang me sngewthuh.

Johnson : (Ha ka sur ba sngewrit) Nga sngewthuh eh papa, tangba kumno kein ngan klet ia i Bala haba i long i briew iba bha bad ngam ju lap daw sniew ei ei pyrshah ia i.

Ka Kmie : Hooiid, Khun kumba me ong, ka Bala shisha te ka dei ka samla kaba bha shisha bad ka kham palat liam ban ia kiwei pat ki thei samla ba ka juk mynta la ha ka jingbha briew ne ha ka jinglong tipsngi. Tangba kawei kane ka jingeh bad kata ka long ba kam dei na ka juh ka niam. Me, me dei na ka

niam Katholik katba ma ka pat na
 ka niam Presbyterian. Kaba kham
 eh shuh shuh ka long ba u kpa jong
 ka u dei u tymmen basan bad na ka
 ne hi ka, daw ngi sngewthuh shai
 ba ka Bala rymkat bad ki kmie
 ki kpa jong ka da lei lei ruh kin
 nym mon bad kin nym suk ba ka
 Bala kan bud sha ka niam jong ngi.

Kpa : Dei ia kata kein ba ngi iasneng
 iapyni ruh. Me dei ban sngew-
 thuh ba me dei ban ri ia ka bu-
 rom ka ijot jong ka iing ka sein
 bad jong ka niam ruh kumjuh. Kum
 u nonghikai skul khamtam, ba men
 bakla ha kane ka bynta te la jah
 burom ha khmat ka pyrthei.

(Johnson u shu dem shapoh).

Kmie : Sngap thuh khun, phi la rangbah
 mynta bad ka for ruh ka la dei
 ba phin peit briew, tangba kynmaw
 kein khun shuwa ba phin pyrkhata
 ia ka briew pyrkhata shuwa ia u Blei,
 shuwa ba phin ieit ia ka briew ieit
 shuwa ia u Blei. Kan myntoi aju
 ba phin ioh ia ka pyrthei
 paroh kawei, hynrei ba phin duh
 noh pat ia la ka mynsiem.

Kpa : Sa la ka briew ruh, peit da ka pa-
 ra niam men ia lah toi.

Kmie ; Niuma ! Lada ki kmie ki kpa jong
ka kin dang ia sngap lem ia ka
jingiakren iapyni ruh dang kham
shi rukom, hynrei kito pat ieh ieh,
ynnai ia ong, kren ma ngi shi kyn-
tien, ma ki pat tam shi hajar kyn-
tien ruh.

Kpa : Kaba eh hi te ba kum kito, kin
pyndem ha kiwei. Bad khnang ban
nym ia poi sha ka jingiasngewsih
ka kham bha ba men ia pyllait
kt en noh shi syndon. Me sngewthuh.
(Peit sha u Johnson.

Johnson : (Dem shapoh khlem kren).

Kmie : (Peit baje kti) **Are** : La da dap 10
baje (peit sha u kpa) ka por ka
la dei ba ngin ia pra noh, ngan
leit don kam sha iing ka mei-duh.

Kpa : Oh ! Lada dap 10 baje seh. Nga
ruh ngan lait donkam noh shuwa
(khreh, ieng phai sha u Johnson)
Me ruh me dei ban pyrknat bha
ia kaei kaba ngi ia kren.

(Mih ryngkat kmie bad kpa).

Johnson : (Ha la marwej) Ah ! ka pyrthei !
Pyrthei aiu kaba kum kane. Ba
ngan klet noh ia i Bala em ; em
da lei lei ruh kan nym long kumta

Jar jar ngi ia phylliew jingieit bad jar jar tang ar ngut hi ngi iathaiñ sai iong sai saw. Mynta pat kumno keiñ ngan law. Em, ka dohnud jong nga wak, ar liang kan kad lada na i ngan pan iakllad.

'Dar - dar - dar !' (Don ba tied jing-khang na shabar).

Johnson : Mano ? (ieng bad plie artad)

Rung ka Balabakla.

Balabakla : (Da ka jingthait hop hop, ha ka jingpisa mynsiem bad kyndeh shadem, bat trait na ka kti u Johnson bad ki ummat ki jaw) Bah-bah baieit, bah - bah baieit, nga la iap, nga la iap, ym don jaka shuh ia nga ha kane ka pyrthei. I mei i pa ki la beh ia nga na la iing namar jong phi, ki shoh ki sympat ia nga man - la ka miet. Ngam lah shah shuh bad mynta nga la rai ban im bad iap ryngkat bad phi katba long. Ngam treh leit kiew shuh sha la iing. Ong seh bah bah baieit, tang shi kyntien ka la biang, lada phi leit hok shisha ne em ia nga bad phi la kloi ne em ban shimti noh ia nga naduh mynta ka khyllipmat. Iathuh seh Bah-Bah baieit, iathuh kloi, ioh ba ki

kjat jong nga kin lam sha ka jaka
 ha kaba ki khmat jong nga kin
 khapbrip syndon shi juom. Hu
 hu h u (iam bad ka shong
 artad bhek).

Johnson : (U khieh pisa shane shatai, u trud
 ia la ka khlieh, u i pisa lyng-a ;
 Nangta suki jai u shim ia ka kti
 jong ka Balabakla bad ha ka sur
 ktien kaba jem u ong) ; Kongieit
 wat kbuslai, en noh, wat iam shub,
 shim kane ka rumar ñiad noh kito
 ummat (pynñaid ia ki ummat jong
 ka bad ai artad ia ka rumar ha ka).
 Nga long uba la kloi ban shimti
 ia phi naduh mynta ka khyllipmat.

(Baroh arngut ki shu ia sngap shi-
 phang khlem ia kren)

Johnson : Kongieit, peit shane, sngap ngan
 iathuh ha phi, phi tip, dang myn-
 tan i mei bad i pa jong nga ruh
 ki maham tynggeh ia nga, ba nga
 dei ban pan iakhlad noh shi syn-
 don na phi. Man la ka por ruh
 ki la pynbor ia nga ba nga dei ban
 peit noh da la ka para niam la
 jong Hynrei Kongieit, kumba nga
 la phla bad kular ban long i jong
 phi, kumta ruh ngan long, wat lada
 khang ka um saw ne ka er-iong
 erngit, hynrei ia phi ieit, katba long

ngan bah ngan kit Namar jong
phi ngan thung thapniang, sha ba
kut ka pyrthei tang ar ngut
ngin iasiang.

Balabakla : (Ka sdang isngewbha pat) An !
ngam tip shuh kein Bah - Bah aiu
kan jia ia ka jait Bynriew jong ngi,
balei kein ia ngi haduh katne, tang
namar ka jingngeit niam, ki pynia-
pher ia ka jait bynriew bak - ly - bak,
haduh ba long kumba iashong
sang pynban (ka peit ieit ia u) Phi
tip Bah - Bah, i mei i pa jong ngi
lei ki ong ia nga ban ia u Khasi
u bym dei na ka juh ka niam dang
lah u dkhar. Namar ki ong hana,
ba u dkhar wat lada um dei na
ka juh ka niam ruh, hynrei u kloi
ban ngeit bad ban kohnguh katba
ki ong.

Johnson ; Phi ong kumta !

Balabakla : Te, phim tip seh, uto u Biswas lei
lei u khun jong uto u khar con-
tractor ba riwspah bha u shait
wankai khah khah bad wan juh
wan dem khnang tang ba ling jong
ngi. Nga i shan khmat bha ba i
mat ka dei ka jingpynjuh pynjan
khnang jong i mei i pa.

Johnson : (Leh kyndit) Haduh katta seh !

Balabakla; Dei ha kine ki sngi kein, ynda haba nga la phla ia ka jingiaieit bajanai jong nga bad phi ba i mei i pa ki sa tim bad shoh ia nga haduh ba ngam sngew lah shah shuh. Manla ka miet ki thlia ia nga ia ka juh shi ka juh, ynda haba ngam mynjur ban kohnguh ia ki, kata ban pan iakhlad noh na phi, ki sa shoh bad bom ia nga haduh ba nga sngew kum ban iap shisba shisha.

Johnson : To ieh Kongieit, klet noh ia kita kiei kiei baroh, mynta ngin ia thaw lad bad pyrkhat, kumno ban pyn-sngewthuh ia i mei i pa jong ngi. Ioh ba ha ka jingbitar kin ...

(Rung kynsan ka kmie u Johnson, u Johnson bad ka Balabakla ki shu ia dem shapoh bad peit suh iwei ia iwei)

Kmie : (Da ka jingbitar) Johnson me la leh aiu kumne? Kaei kane me wan ia-lam? (kynbied tyngah) Da kumne mo pleng me siew kylliang ia ka jing-sneng jong ngi ki kmie ki kpa? (ka ai shithap ia u).

Johnson : m . . e . . i, mei . . map, m : . a . . p,
map seh mei

Kmie : (Ka shim-bad patrong na u shniuh khlieb) Map, map - map, map, ia

pha khun ka tamsneng, khun
ka poh jait khun ka poh rati, tang
ka raifi ka rem ruh pham don shub
(ka sangoh ia ka khlieh jong u ha
madan)

Johnson : Sngap seh mei ngan iathuh ia ki
jingshisha.

Kmie : Jingshisha, jingisha aju kata, me la
saitlah bad pynkhein ia

Rung kynsan u Kpa

Kpa : Balei kumne jia aju ?

Kmie : Balei kumne jia aju ? Peit thuh hi
ma phi, une u khun jong phi u la
leh aju, kaej kane u wan ialam
ha iing syndon kluk.

Kpa : (Peit ibein ia ka Bala na khlieh ha
kjat bad da ka sur kaba khor u
shla) Johnson ! Mih shi syndon
nangne na iing. Ban ia kaba men
pynjah burom mane ia nga u kpa
bad ia ka iing ka sem hi baroh ka-
wei, ka kham bha ba men phet noh
syndon na la iing bad leit kat shaba
me mon.

Johnson : (Da ka sur Rangbah) Papa ngam
shym mut

Kpa : (Knieh ktien) mem shym - mut ia
 kaei mem shymmut, khun ka tam-
 sneng. Mih shi syndon, kloï. (kdew
 kti sha jingkheng. Mih u John-
 son bad ka Bala).

KA PYRDA KA HAP SUKI JAI :

SCENE II ACT I ;**HA IING SAH WAI :**

Don ka Baja ka dang bun kam
 ha ka sar iing sar sem.

Rung u Jonhson :

Balabakla : Phi la kloi da wan skul seh Bah Bah?

Johnson : Hood Kongieit.

Balabakla : Kloi da wai skul dang katta ?

Johnson : Te, la saw duna, phi tharai dang
 katno baje heit ?

Balabakla : Oh ! Lada dap saw duna seh,
 tang ka ja ruh ngam pat ioh shet.
 Peit seh Bah Bah baroh shi sngi
 nga lap miet ha kaba pynkhuid
 iing pynkhuid sem bad nga pyndait
 kot khuhor ja kine ki shakjar iing
 (kdew artad). Nga sar nga pynkhuid,
 wat lada dei makna ka iing sah
 wai ruh, hynrei ym i hun te phi
 ban shu ieh kumto khlem da leh-
 khuid. Sa ba imat, ki briew kiba
 sah hangne mynshuwa ki dei
 kiba leh sih ka jingjaboh bad ka
 jingjaing ka iing te phi la palat.

Johnson : Balei Kongieit, phi da trei shitom
 than eh ha ka jingbisha toi phi la

dei ban ap haduh ban da wan
trei ma nga, ba ngin ia trei lang.

Balabakla : Pbi tip Bah Bah, nga da sngew-
tynnai eh bad nga sngew palei ka
mynsiem bad nga sngew sting ki
jingmut jingpyrkhat haba nga trei
jingtrei. Lymkumta ka jabieng jong
nga, ka shu khii phaloh da ka jing-
khuslai sat, namar nga kynmaw
bad iai pyrkhat sah ia ka jingeh
dohnud jong imei ipa haduh ba
kim sngew synei shuh ia nga kat
haduh ba kin beh bad pynmih
lyngkhuit ia nga na la iing la sem.

Johnson : To to Kongieit, wat pyrkhat ne
kren ei ei shuh, shaphang kita kiei
kiei baroh, nga ruh ngam sngew
lah shah ban sngap ban ioh sngew
bad ban kynmaw ne pyrkhat sah
ia kito kiei kiei baroh, ia kaba
la dep la dep, tep noh. Mynta
ngi baroh ar ngut ngi la ia long
kawei ka doh kawei ka mynsiem
bad ngin sdang ban tei mynta ia ka
longiing kaba thymmai (u sahngah
shaphang u peit sha ka Bala nang-
ta u ong) Kongieit, tiew noh da
ka sha seh ba ngin ia dih.

Balabakla : Oh ! Shisha shish kumba tep, nga
ruh nga klet.

(U Johnson u kynthah stove bad ka Bala pat ka tiew um sha ha u khiew rit ba ym don ketli).

Balabakla : Ni ! Phi Bah Bah mynhynne kein, mynsngi ki wan kai ki paralok, tang ban tyrwa sha ruh ngam nud namar ym don ketli ban tiew sha bad ka pela ruh tang kane kawei hi.

Johnson : (U leh diaw) Shish shish ! Ka apot aiu kaba kum kane. (U peit ieit ia ka Bala) Nga ieit eh ia phi hynrei nga sngewsih ba ngam lah ban pynbiang ia phi, ba wat tang i jingdonkam barit eh kumne ruh ngam kot bor ban thied Bad nga kham sngewsih shuh shuh haba nga pyrkhat sngew synei ia phi, na ka iing paki dulan phi phet bad phi hap ban wan shong wan sah bad nga hangne tang i pliang ja bad pela ban dih sha ruh ym don.

Balabakla : Phi wat ju da nang eh seh Bah Bah, balei phi mut ban ong ba nga mih na la iing khlem da don la ka mon ban bud ia phi, ne phi artatien ia ka jingieit jong nga ia phi ? Ne phi mut ban ong ba ogan bud ia phi ? tang ha ka suk ka sain - ka sngewbha sngew-

miat ym ha ka sngewsih ne shipa
 bad ym ha ka eh ka shon? Dei
 kata kaba la pynlong ia phi ban
 sngew synei bad sngewsih na ka byn-
 ta jong nga. Ha ka jingshisha dei
 ma nga kein ka ban sngewsih
 bad ka ban kit pap namar
 dei ma nga kaba la pynlong ia
 phi ban mih na la iing bad nga
 long ka daw ba phin shah beh ha
 la imei ipa jong phi bad lada ...

Johnson : (Knieh ktien) Em em Kongieit. wat
 mut kumta ne wat tharai ia nga
 kumta. Namar kaei kaba la pyn-
 long ia nga ban pyrkbat sngewsih
 shaphang kane ka jingjia ka dei
 namar kane ka daw. La katta
 snem nga la trei kum u nongbikai
 skul mynta la palat san snem ;
 hyorei ngam ju kynmaw ban bat
 ne ban kynshew pisa na ka bynta
 ialade. Baroh kat kaba nga ioh
 nga la aiti lut ha iing da kaba
 tharai ba imei ipa ki tip kham
 bha ban kunai bad ban kynshew
 na ka bynta ka jingdonkam la shai
 la shisngi bad da kaba kyrmen ruh
 ba kin pynbiang lem ia nga ha ki
 jingdonkam jong nga la ha kano
 kano ka bynta ne ka liang baroh.
 Hyorei mynta ngak la kum ba'dong
 da u 'nam sarang, haba nga phai

sha ka liang ka pla nga shem ba long
long thylli bad ngam don ei ei ruh
em, haduh ba nga hap ban mih
na la iing lyngkhuit tang bad ka
jaifi ba nga phong.

Balabakla : (Wiat rymmuin) Hooiid ryngkat ruh
bad ki jingtim, em heit ?

Johnson : Kine ki tiar kiha phi iohi, ba nga
thied ki dei da ki pisa ba nga shu
pan kylliang na u paralok tang 500
tyngka, da kaba kular ia u ba ngan
sa sew ynda kut une u bnai, kata
ynda nga la ioh tulop.

Balabakla : (Ka shim ia u slasha bad ber ha
u khiew sha bad nangta ka shim
pela bad tong shini, badien ba ka
la dep theh ka peit sha u Johnson
nangta ka ong).

Shim dih noh shuwa ma phi, ngan
sa dih ynda phi la dep.

Johnson : Em em dih ma phi hangto ba pela,
theh ia nga ba plieng ja ruh ym
lei lei (u ieng bad shim hi ia ka
plieng ja u tong shini bad theh
sha hi nangta u ong) e Ka kham
bang haba ia dih lang.

Balabakla : To to kata lada phi long ban dih
hangto.

Johnson : (U peit sha ka muin u wiat nang-ta u ong) Ialam jingduai ma phi Kongieit,

Balabakla : Ialam ma phi seh.

Johnson : To seh ialam ma phi ruh kam lei lei.

Balabakla : Em phi ialam ma phi seh Bah Bah, phi ruh uba bun nia, Rangbah briew ruh.

Johnson : (U pynhiar mynsiem) To kata. (u leh ia ka dak jong ka diengphna katba ka Bala ka khaprip ia la ki khmat).

Balabakla : (Hadien ba la dep duai) Ka mut aiu sha Bah Bah, phi ki Katholik shu wa ba phin duai bad ynda phi dep duai ruh phi ju leh kumto ?

Johnson : Kumno kumto ? Aiu phi mut ban ong?

Balabakla : Kumto kumba leh ma phi myntan kein ba ki briew ki ong ba phi beh skain ?

Johnson : Oh ! la dak jong ka diengphna ?

Balabakla : Hoo'id, ka mut aiu sha ka dak jong ka diengphna ?

Johnson : Ka dak jong ka diengphna, ka dei ka dak jong ka jinglehrain.

Balabakla : Kumno kata ka lah ban long ?

Johnson : Kat kum ka jingshemphang barit jong nga, ba nga ia pynshong nongrim na ka Bible, nga shem ba ki Ju baba ki pyniap ia u Jisu, kim hun tang ba un shu iap kumto, hynrei ki da kwah ba un da iap khlemraifi bad jah burom ha kumat ka pyrthei. Dei na kata ka daw ba ki pynbah ha U ia ka Diengphna ba ki la shna kyrpang, ki leh kumne da ka jingngeit ba ki kynthei khynnah bad baroh ki nongiaid lynti kin iohi lut, ba kin ia kyashi kyneh bad kyniiw ia ka kyrteng jong U. Ym tang katta ki da thad ruh ia ka long met long rynieng rynjot jong u da kaba sah syndon halor ka diengphna bad ki da pynieng ruh ha ki kyniang bajrong tam jong u lum Kalbari. Khnang ba ka pyrthei baroh kan tip bad iohi bad ba kan rkbie bein ia U (u sangeh shiphang u tan ia ka sha na pliang bad dait ia u jingbam tah sha ba u bat ha kti. Ka Bala ruh kaba sngap ia ki khana jong u ka sdang ban dih ia la ka sha. Hadien ba ka la dep dih shi syndih ar syndih ka phai sha u Johnson nangta ka ong)

Balabakla : Dei na kata ka daw ba bun ki briew ki shaft rkhe bein ia phi ki Katholik haba phi leh ia ka dak jong diengphna.

Johnson : Ym tang katta, wat ki Katholik hi ruh, ki bym skhem ha ka jingngeit ki lehrain ban leh ia ka dak jong ka diengphna khamtam lei lei haba ki leit dih sha ne bam ja ha ling ki briew ki bym long Katholik ne wat haba ki leit dih sha ne bam ja ha iew ha hat haba bun briew, don bun kiba don ia kane ka jinglehrain ban leh ia ka dak jong ka diengphna, namar ba ka dei ka dak jong ka jinglehrain. Bad shisien ba ki leh ia ka dak jong ka diengphna, ki briew ruh ki ithuh noh ba phi dei na ka niam aiu. Hooi, wat u Petrus ruh u len ia U Jisu ym tang namarba u tieng, hynrei namar ba u sngewlehrain han tip ki briew ba u dei u nongbud ne nongsynran jong kum uta uba shah pyniap jah burom bad shah thad kblemrain halor ka diengphna.

Balabakla : Katkum ka jingsngewthuh jong nga te Bah Bah, ha lade hi, nga sngew ba kano kano ka niam ruh ka juh hi kam don jingiapher ei ei, na-

mar baroh ki niam ki hikai ia ka
lynti ba bha suda.

Johnson : Nga mynjur ia kata ka jingong jong
phi bad ym tang katta, hynrei ka
ba tam na baroh dei ka jinglong
u briew shi met hi, ka niam kaba
bha katno katno ruh kam lah ban ai
bneng ia u briew.

“Tok, tok, tok”, (Don ba tied jing
knang na shabar).

Balabakla : Mano?

“Ma nga” : (mih ka sur na shabar)
“Plie ka iing”.

Johnson : (U ieng pynstet ban buhriei noh
ia ka pliang sha, ba u sngewleh-
rain ban wan lap ki briew, hyn-
rei kyndit leit wit ka kjat miej hoit
ka sha)

Balabakla : Ka shim pynstet ia ka jain jot
bad fiad)

Johnson : (Hadien ba u la burieh ia ka pliang
shapoh khrum jingthiah u ieng bad
plie ia ka iing)

Rung u Kpa u Johnson : Kyndit
ka Bala bad u Johnson.

Kpa u

Johnson : (Peit ibein ia ka Bala na khlieh ha kjat, nangta u phai sha u Johnson bad ha ka sur kaba ehriang u ong : Johnson shim ia kane ka shithi ai ha u, Jonhson shim sa rai da pyrkhat bad pynshong nongrim bha Lada me kwah ban dang neh ha la ka kam hikai bad ban shakri ia la ka jong ka Balang me dei ban pyllait san shyieng noh mardor bad kane ka briew. Namar katkum ka rai jong ka Parish Council ia me la weng noh (terminated) na ka kam hikai na ka daw ba me iahap kurim bad kane ka briew khlem da pynbeit katkum ka jingpyniaid ka balang. (u mih noh artad).

Johnson : (Mar ia phet u kpa u kyllon kram ha madan bad u kren ramia) Nga la iap, nga la iap, ki la pyniap ia nga, ki la pyniap ia nga.

Balabakla : Bah Bah baieit, Bah Bah baieit, balei phi kren ruma kumta, mano ba pyniap ia phi, mano ba pyniap ia phi, peit shane peit shane (syrpai syrpuud ia U), nga don ma nga, nga don ma nga, balei phim ieit seh mo ia nga, khie dih noh ka sha balei phi leh kumne.

(Johnson um tlp briew, ka shim

da ka um ka ñiad ia ki khmat jong
u, nangta sa kyndit bynriew).

Johnson : (Da ka khmat ba idiaw bad i sngew-
sih u phai sha ka Bala nangta u
ong) Kongieit, ngam sngewkwah
im shuh ba kane ka pyrthei kana
dap tang da ka jingrhah bad ka
jingiuh roit ia ka hok longbriew.
Sbaei ka riat shuh (kyndat ia ka
kti jong ka) ngan leit noh iap noh
syndon. (leng ksaid ban phet).

Balabakla : (Bat skhem triang ia u) Balei phin
leit noh iap kumta, iathuh iathuh
ia nga, kaei kaei ka daw kaba la
pynlong ia phi ban leh kumne.
Bah Bah baieit, Bah Bah baieit,
peit shane lada phi phin iap, nga
ruh ngan iap lang bad phi. Kren
shai seh Bah Bah baieit lada phim
feit shisha ia nga, nga ruh ngan
shim noh ia la, ka jingim kumne
kumne hi.

Johnson : Em Kongieit kam dei kumta, nga
iet eh ia phi, hynrei ki shim noh
ia u khaw da uba nga im bad u
ba nga mut ban pyngim lang ia phi,
Khem u khaw te kumno kein Kong
ieit ngin im. Mynta nga sah ha ka

khlemrain bad ka jah burom bad
 ngan iap ruh ha ka jah burom,
 ki pisa ba nga shim kyliang na u
 paralok da kaba kular ban siew
 ynda nga la ioh tulop, hynrei myn-
 ta pat ka wan jia da kumrie kum-
 no kein ngan leh.

Balabakla : (Ka pyllait ia la ka kti na kaba bat
 ia u Johnson, nangta ba ka sur ba
 jaw ummat ka ong) Nga la sngew-
 thuh shai ba p'enz nga long ka
 daw jong kine kiei kiei baroh. Nga
 la sngewthuh shai rub ba ia kane
 ka kam ba phi duh ruh dei tang
 namar ta phi ia shong bad nga.
 Te Bah Bah baieit, ka kham bha
 ba phin klet noh ia nga bad leit
 phai biang sha la ka kam hikai
 la jong. Tangba ia nga te wat
 khmih lynti shub ba ngan dang don
 ha sla jong kane ka pyrthei (Ka
 ieng joit bad mut phet).

Johnson : (U bat trait na ka kti jong ka shu-
 wa ba kan phet) Kongieit wat phet,
 lada iap ruh ngin ia iap lang, lada
 im ruh ngin ia im lang. Kat kane
 ka sat bad ka jah burom to Kong-
 ieit ngin ia phet shnong noh nange-
 ne khlem kyrtiang den shuh, ngin ia
 leit wad iing basa noh sha Sor, ngan

leit wad bylla sha Sor katba ioh,
 ngin ia im kyndoi ja kpoh katba
 jia katba long.

Balabakla : Nga ruh nga da sngew iahap jing-
 mut eh ia kata ka jingong jong phi,
 ki briew sha Sor ruh kim ju don
 por ban lorní kumba long sha nong-
 kyndong jong ngi. Nga ngan leit
 bylla kynta sha iing ki briew bad leit
 bylla sait jain nong de katba ioh.

HAP KA PYRDA

SCENE III ACT I :

HA LYNTI :

Buddien : (Kren marwei) Ka niam ; Ka niam ;
Ka niam ; Uff kaei kane ka niam ?
Sngewsih ban iohi, ba tang na ka
bynta ka jingiapher niam ; kad ka
long iing long sem, kad ka jingia-
dei para marjan bad la phiah lyng-
khot lyngkhai ia ka jingiadei para
briew.

Rung u Pyrman :

Pyrman : Are u Buddien, aiu phi kren mar-
wei marwei, phi la buaid iad tang
snem ne la don ba tuh noh ia ka
jabiang na kato ka maloi jong phi ?

Buddien : Shish phi ! Pyrman, phim i ba u
Johnson bad ka Bala, shijur ki
ba ia ieit thep mynsiem, mynta ki
la phet shnong. Ngam tip shaei ki
phet ! Ah ! ki bapli sangsot, nga
sngew synei na ka bynta jong ki.

Pyrman : Oh, ho ! Balei ki phet shnong kumta
don ba beh ne ki phet hl ? Ki
shijur ki sim te ynda ki la mih
sner kat sbabø ki -sngewbit kein
ki her. Balei phin leit pyrkhat
khuslai pakai ma phi ?

Buddien : ~~PBi~~ ~~Pyrman~~ : ~~aiu~~ ~~ma~~ ~~phi~~, phin
 tip ba mynta hangne hapoh
 shnong, ~~baroh~~ ~~baroh~~ ki briew ki
 ialap tang shaphang kata ka jing-
 phet shnong, jong ki, namarba ki
 shah beh ba la ki kmie ki kpa.
 U Johnson lei na ka kam bikai
 ruh u la shah beh tang namarba
 u ia shong bad ka Bala bym dei
 ka para niam. Uff nga te nga sah
 ha ka lyngngoh bad nga da s gew-
 sih kthang hafor kane ka jingja.

Pyrman : Oh, ia kum kata ruh, balei phin
 leit tuklar ma phi? Ki kmie ki kpa
 ki leh katba ki mon ia la ki jong
 ki khun bad ka Balang ruh de
 ka lah ban leh katba ka sngewbit
 ia la ki jong ki shakri. Phim don
 hpk ban mushlia halor kane ka
 byata.

Buddien : Nga shu ong kein, ba kum ki
 Khristan, iohba ki shakri bad ieit
 ia u Blei da kaba shakri bad ieit
 ia la ki para briew. Lymkumta
 te don jingmut aiu ban long Khristan,
 namar ka ktlen hi ka ong,
 ieit ia ki nongshun jong phi, na-
 mar kam myntoi ba phin ieit tang
 ia kiba ieit kylliang la phi, namar
 ki nongtuh para nongtuh ruh ki
 ialen hi kumjuh.

Pyrman : Kata kaba dei, hynrei ka niam phi tip ka don la ki jong ki kyn-don trei kam, lada kam pyrkhing ia la ki shakri, ki shakri kin leh mon haba lehmon ki shakri la lyngkar ka rukom trei kam bad haba mih ka jinglyngkar mano ba jah burom, jah burom ka niam em? Kikmie ki kpa kiba hok bad kiba riewblei ki kwah ruh ba ki khun kin long kum ma ki.

Buddien : Nga lam kubur ia kata ka jing-ong jong phi, hynrei ban pyrkhing palat pud pat, haduh ba kin pyn-duh syndon ia u khaw ne haduh ba kin da beh syndet na la iing la sem khlem da pyrkhat bha ban ai lad ne ai por ia ki ba kin pyn-beit ia lade ka long kaba bakla palat. Ki kmie ki kpa kiba hok bad kiba riewblei shishu, kim dei shuh ban bein ne bishar ia kiwei pat namar ka kam bishar ka dei ka jong u Blei. Nga nud ban ong ba kita ki briew kiba dang bishar ia ka dei ka lait jong kiwei pat kim dei kiba hok ne riewblei, ki lah ban dei pynban tang ki pharisi arsap.

Pyrman : Lada phi la singewthuh katta, te balei pat phi ruh phi dang bishar ia kiwei. Nga la ong ia phi ba

ka niam lane ki kmie ki kpa ki
 lah ban leh katba mon ia la ki
 jong. Phim don hok ban bishar
 ia kiwei kumba phi la ong. Nga
 nga long u Khristan uba shit rhem,
 ngam sngewtynnatt ba ka niam ka
 ba nga ngeit kan shah pynbud
 nam ne shah kren bein ba kiwei pat.
 Nga don ka jingngeit kaba skhem
 ba ia kaei ba ka niam ka la rai
 ka long kaba dei ban bud bad ban
 kobnguh. Namar ka ktien u Bei
 ruh ka ong kumta: "Kat ia kaba
 phin teh ha ka pyrthei, la teh ha
 bneng ruh. Bad kat ia kaba phin
 pyllait ha ka pyrthei, la pyllait
 ba bneng ruh". Kane ka long
 katkum ka Cospel jong u Matheus
 lynnong kaba 16 dkhott kaba 19.
 Shuh shuh ruh ka ktien u Blei ka
 ong ba ia uta uba long u maw-
 jynthut ia kiwei pat ka kham bha
 ba yn teh da u mawtylliat bad pyn-
 noh ia u hapoh duriaw. Phi long
 Khristan imat tang ka Bible ruh
 phim ju pule. Phi long pynban tang
 kum u Mawjynthut bad dieng pyng-
 kiang ia kito kiba ngeit shitrhem
 ia ki jinghikai jong u Jisu Khrist
 kiba don hapoh ka jingkdup jong
 ka Balang bad kiba kloir ruh ban
 kobnguh ia ki hukum jong ka. Ban
 ia kum ki jong u Johnson bad ka

Bala, la kham bha ba yn teh ia ki da u Mawtylliat bad pynnoh hapoh duriaw namor ki long ki nuksa basniew ia kiwei pat.

Buddien : Balei phi da kren than haduh katta katta, nga khlem bishar, hynrei nga tuklar ba kane ka dei ka ka kam iap ka kam im jong ka jait bynriew. Phin sa iohi pyrman shano kane kan lam. Phi kynmaw Pyrman shaphang ka briew kaba klim ba ki Pharisi bad ki stad ain, kiba kum ma phi, ki mut bao lynthem maw ia ka. Hynrei u Jisu u ong kumno ha ki: "Uto uba khlem pop na pdeng jong phi, to un kawang maw nyngkong ia ka." Yn jin da la don u Johnson bad ka Bala hangne, nga ruh ngan jin da la ong ba uto uba hok bad uba khlem pop kum ma phi, un shim ia u tyllai bad u mawtylliat bad un teh nyngkong ba ryndang jong ki.

Lada phi phi long Khristan, long u khristan uba janai, ym uba shim rhem. "Phi long ka mluh jong ka pyrthei", ong ka ktien u Blei, "Lada ka mluh ka blad noh, kam larkam ei ei shuh sa tang ban bret noh shabar bad ba yn iuh ki briew". Nga pat nga ong ha phi ba lada kano

kapo ka jingtah ne jingbam kaba
 la kthang mluh palat, ia kata ruh
 dei ban bret nob, namar yn ym
 don ba nud bam. Namar kata ka
 jingngeit jong phi kum u Ktris-
 tan ka dei ban long kum ka mluh
 ka ban pynlong thiang ia kane ka
 pyrthei ba ngi shohg ngi sah Na-
 markata ber ia kane ka mluh
 (jingngeit) jong phi ha kiwei
 pat kat ban biang, wat ber duna
 ne tam, da mang bed da thew,
 khnang ba ka pyrthei kan nym
 blad ne ioh ba ka pyrthei ka kthang
 mluh pynban ngang, hangta te, yn
 ym don banud shong shuh ba ka.

Nga ju ioh sngew ia ka nam
 bad ka kyrtepg jongphi kum u nong-
 ia'ap niam batbit bad u nongkren
 pulpit uba pnah thylliej bad ki briew
 kj peit sha phi kum u shakri jong u
 Blei. Hynrei ka ktien jong u Blei ka
 ong: "Lada u briew u don ei ei
 kaba u dei ban iarap ia la u kpa
 ne ka kmie, u ong pynban. 'Ia kane
 nga ia tyrwa ha u Blei,' u lait na
 kaba iarap ia la u kpa ne ka kmie
 Da kumne phi pynlehnob ei
 ia ka ktien u Blei arsap". Phi
 uba la bam lyndet lut ia ka Bible
 ngam don kam ban igthuh haphi
 phi ia tip hi na ka Gospel jong

no ne ka lynnong bad ka dkhot kaba katno la thoh ja kitei ki kyn-tien Kam don jingmut ia phi ba phin iarah bad ialap ia ka kyr-teng jong u Trai Jisu baroh 24 kynfa kumba leh maphi, lada phi dang don kum kane ka mynsiem ban niewbein bad iuh roit ia ka hok long briew man briew jong kiwei pat Namar ha kaba kut u Trai Jisu un ong: "Ngam ju ithuh ia phi".

Pyrman : Wat ialap thala ia ka kyr-teng jong Trai Jisu.

Buddien : Ngam shym ialap thala, nga kren ia ki jingshisha, hynrei phi seh ion phi shu mane thala ia ka kyr-teng jong u.

Pyrman : Balei phi kren ia ki ktien bein Blei kumta? Katkum ka jinghikai jong ka Balang jong ngi, don lai person ha uwei u Blei bad u Jisu Khrist u long uwei na ki lai person. Lada ngi mane ia u phin ong ba ngi mane thala? Nalar kata, nga ong ia phi ba ka Balang ba la seng u Jisu Khrist ka don la ki jong ki kyndon trei, kam ban pynjanai ia la ka jinggeit Khristan. Namar kata ka lah ban ot balang ne ka don ka hok, ban pynshitom

ia kito kiba laid pyrshah ia ki
jinghikai bashisha jong ka.

Buddien : Shu pule ia ka Cospel jong u
Matheus, Lynnonng kaba 15 dkbhot
kaba 9, aiu ka ong : "Ki mane thala
ia nga, namar ki hikaj ia ka ain
thaw briew, kumba ki long ki hu-
kum u Blei".

Phi uba la nguid lut ia ka Bi-
ble, kumba phi la kynnoh ia nga
u bym ju pule Bible. Khlei biang
mynta bad buh ia kine ki kyntien
ha lyngwiar pyrkhat jong ka jing-
im jong phi synnia sngi, kumba
ngi shem ha ka Gospel u Matheus
Lynnonng kaba 7 dkbhot kaba 21
haduh 23 la thoh shai:

"Ym kat uba ong ha nga, 'Ko
Trai, ko Trai!' Un rung ha ka
hima ki bneng, hynrei kito kein
kiba leh ia ka mon u kpa bneng
jong nga. Ynda poi kata ka sngi,
bun kin ong ha nga : 'Ha ka kyr-
teng jong me ngi la beh noh ia
ki ksuid bad ngi la leh bun ki
kam phylla'. Te ngan jubab ia ki.
'Ngem ju ithuh ia phi. Khie noh
na nga phi ki nongkam bymman'.

Pyrman khie leit sha'la ling shim

ja la ka Bible bad haba phi pule
 da ngam jylliew, da khan, da pyn-
 shong jingmut bad da pyrkbat sani
 bha ia ki kyntien ba don ha ka.
 Bad wat shu nguid tylli kumto ne
 shu bam lyndet khlem sngewthuh.
 Bad naduh mynta to long u Khristan
 uba janai ym uba shit rhem.

Pyрман : (Phet iam ren)

HAP KA PYRDA :

SCENE IV ACT I :

HA IING SAH WAI HA SOR :

Don ka Balabakla ka thum bad la i
khun,
Rung u. Johnson.

Balabakla : Balei (phi kloi da wan dang katta
Kpa ka Bihieit ?

Johnson : Ngam sngew kblain phi kmie ka Bih.
Ani nga sngew ka suh ka thar ka
kpoh bad suh jer suh kbriat ka
met baroh kawei.

Balabakla : Nga la ong ia phi naduh myn-
hynnin, wat pat leit bylla, namar
ngam pat i kblain bha ka met jong
phi, hynrei phi saitlah hi te. Ha
ba kumne pat kumno ngin leh ?

Johnson : Ngan leh kumno, kmie Bihieit,
lada ngam leit bylla ruh daei ngin
pyndap ia ki jingdonkam ha iing
ha sem.

Balabakla : Kpa Bihieit kan kham bha ba
phin leit sah noh ha Hospital, ba
phin dup koit kloi, Ha iing te ni ei,
nga i kumba phin nym nangjem
shuh namar phim lah shah te, ha
ba phi dang tlot ka met ruh, phi

trei iei phi leh iei, haba nga ong
wat pat leit bylla ruh hynrei phi
leit. Lah ha Hospital ba phin ioh
thiah aram bad koit kloï.

Johnson : Uh u uh ani nga
sngewtlot palat, ngan thiah aram noh
shuwa (Mut rung sha kamra thiah)

Balabakla : Ap, dih shuwa kane ka sha ban
teh kpoh sa dih une u dawai bad sa
thiah ban dup ioh bor ka met.

Johnson : (Dih ka sha)

Balabakla : Ka bha bi ba phin leit sah sha Hos-
pital te, ieh ngan leit wad kali ma
nga, sa peit phi ia ka Bihieit shi-
phang.

Johnson : Ngan leit sah sha Hospital daei ngin
ioh bam, namar ha Hospital kam
pat khlain bha kin nym pyllait, naei
pat ngin ioh pisa ban thied bam
khlem leit bylla.

Balabakla : Wat khuslai Kpa ka Bihieit, ngan
leit trei kynta ha iing ki briew bad
leit bylla sait jain nong kumba
mymshuwa. Ka Bihieit ka la dap 3
bnai tam te ngam lei lei shuh, lada
nga trei nga ktah ruh. Sa peit ia ka
Bih ioh ka hap na jingthiah. Ngan
leit wad Taxi ban leit buh noh ia
phi sha Hospital (Mih shabar).

HAP KA PYRDA

SCENE IV ACT II :

Don ka Bala, ka bah la i khup
lung bad la ka Isteri jain.

Rung ka Klit, ka khynnah kaba
dang 12 suem ka rta.

Balabakla : O, i Bih Bih Klit ne ?

Bih Bih : (Mar la rung) Ei Kong, phi la dep
ki jain jong ngi, i phah ong i Mi ?

Balabakla : Hooid, nga la dep shim kine. (Ka
shim na ba buh bad ka ai)

Bih Bih : Katno tyngka kong phi shim ?

Balabakla : Nga la ong ha i mi jong phi ba
50 tyngka ka bai sait
bad 15 tyngka ka bai Isteri.

Bih Bih : Hih, shim shuwa tang kine 40 tyngka
i ong i mi in wan ai pat kaba
dang sah.

Balabakla : Ong la i mi jong phi ba in wan
ai noh kloi seh Bih Bih ba nga
donkam pisa eh ho ?

Bih Bih : To kong (ka phet artad).

Balabakla : (Kien marwet) Ani now ; Ka pyr-

thei ! Balei sha kein kumne ia nga,
kat nang duk, nang shem jynjar,
katta nang shah ban bein pynban.
Sa shim .. sa shim ngan sa wan
ai .. ngan sa ai kine ki dei ki
kyntien kiba la jan baroh ki brierw
ki pyndonkam ynda ki la ioh ia
ka mar ha kti. Hynrei katno ngut
na ki, ki ban pyndep ia la ka ku-
lar. Ah, lada baroh kiba wan ai
kam ne jingtrei, kin siew hok ia
kaei kaba ki dei ban siew, lehseh
ngan nym shem jynjar eh haduh
katne katne. Ah, sangsot ia nga
ka khun shem pap ha ka pyrthei.
Ha ka jaka ba kin ia shan lem
ia nga ki shim kabu pynban. Haba
kumne daei ngan siew bai iing, da
ei ngan siew bai dawai, da ei ngan
thied khaw, tang u bai dud khun
ruh ym dap (Ka phai sha i khun lung
ba dang thiah ka shim) : Ale khun,
ale in bah noh i mei, ngin ia lelt
sait jain nong noh ban dup ioh pisa
ban thied dawai ia i papa ba in dup
jem noh kloj mo khun. (Ka bah
ia i khun lung sha khmat bad ka
kit shi khung ki jain sha dien bad
ka mih sha bar).

HAP KA PYRDA :

SCENE V. ACT I :

HA IING KMIE KA BALABAKLA :

Don ka kmie bad u Kpa ka Balabakla;

Kmie : Kpa ka Bala, mynmiet nga phoh sniew kynsha te phi shaphang ka Bala, Ni nga sngew dap phia phia ka shadem, ki ummat ki lang, hynrei kim jaw, ka dohnud ka kwan ban duai ha u Blei Trai kynred, hynrei shyntur kam treh ang, thyl-
liej um treh padiah. Baroh shi miet nga khlem da ioh thiah, nga pyrkhat sngewsynei ia la ka khun tip kumno kein ka long.

Kpa : Hooid, teng teng, nga ruh nga ju kynmaw ia ka, hynrei kumno ngin leh, haba ka la tam sneng bad saitlah hi fa ngi ki kmie ki kpa, weiba ka la rai hi ban jied ia ka lynti ba jynjar, te kan mat shem jynjar hi shato. Balei phin pyrkhat khustai haba ngi la sneng la pynf fa ka katto hynrei kam man sngap ka laid hi ha la ka mon bad ka jied fa u briew uba ngim mon, ieh, shato ka mat ioh hi la ka baimong.

Rung u Sympain, u hynmen ka kmie ka Bala.

Kmie : Wa i Bah shong shong, (ai jaka shong).

Sympain : (Tan ia ka shuki kham hajan bad shong) Sha ei lut ki pyrsa ki ia don?

Kmie Bala: Ki dang ia leit shong kai sha iing ki para marjan phi Bah.

Sympain : Hep, kynum, nga wan hangne da ka mynsiem kaba khia. Hood, nga dei u kni Rangbah jong kane ka iing ka sem; hynrei ba ka juk myn-ta kumba long lem kiwei kiwei ki Kni, ngam lah shisha ban kor-bar sorbar ne ban kit ban bah ia ka khia ka shon jong phi hangne ba iing ba sem. Namar ka lyngkor kaba kham khia nga hap ban kit ba la iing khun, kumba long lem i kynum, iba la leh shitom ban pyn-san pynrangbah ia kine ki pyrsa jong nga haduh katne parum pareh. Ne phi ong kumno helt kynum (u phai sha u kynum).

Kpa:Bala : Yn sngew. phylla shuh lei phi kyn-um ia kata, phim i nga ruh myn-no nga iju poi iing kur, lait sa tang kaba donkam eh, hynrei nga shu iai tyllun met bad mynsiem miet la bad sngi tang bad kine ki khun, ba pynbit pynbiang bad ban pyn-

san pynrangbah ia ki ha karukom
kaba dei.

Sympain : Kaba dei kynum, nga ruh phim i
ba nga wan hangne sa tang haba
don ki kam kiba donkam eh lym-
kumta shano ya ioh por (u sah-
ngeh shiphang u sei sikret u kbum
uwe i ha la shyntur bad u ai de ia
u kynum, u kynthah jymptuid bad
hadien ba u la tan shitan ar tan
u ong). Ahem: Kumno sha phi pyr-
khat shaphang ka Balabakla, nga
sugewsynel te phi shaphang jong
ka. Hato phi hun ban shu kyn-
ther jymbuin ne ai khawduh ia ka
ka Balabakla kam shym dawa ha-
duh uta u pud namar kam shym
leh ia kano kano ka sang ka ma
ba kan ioh ia kane ka jingpyn-
saja.

Kmie Bala : Hooið kein phi Bah, ngi ruh myn-
tan ngi dang ialap khana shaphang
jongka. Ni, nga sngew kynmaw eh ia
ka, ka khun Phrangsogi jong nga, shi
snem tam ka la pbet na la iing
khlem da kyrtiang dien shuh, sha
ei sha ka shah. Nga Yei nga ju
pynbor ia i Kpa ba ngin ia leit
wad leit thud ia ka, hynrei im
shah, i ong pynban ba ngi ki kmie
ki kpa ngim dei ban pynpoh ha
kham ki kham tamong. Nga ruh
nga hap ban shu hun soh hi kumta

da kaba khmih iynti ba ynda ka
 la poi ha ka kut lad bad jyn-
 jar kan sa wan phai hi sha la iing
 hynrei mynta la shi snem tam,
 ngam i don dak ei ei ba ngan iohi
 biang ia la ka khun.

Kpa Bala : Nga, te shisien ba nga la rai nga
 la rai, ngam donkam shuh ban ia
 lap shaphang jong ka, ngim shym
 beh ma ngi hynrei ki kam jong ka
 hi kiba la pynlong ia ka ba kan
 pnet na la iing. Ngi lei ngi sneng
 ngi pyni ia ka lynti ba dei, hyn-
 rei kam kohnguh ia ngi ki kmie
 ki kpa ka jied pynban ia ka lynti
 kaba bakla.

Sympain : (Phai sha u kpa ka Bala) Phi tip
 kynum balei i mei i pa jong ngi
 ha ka por ba ki dang im, ki jer
 kyrteng ia kane ka pyrsa Rangbah
 da ka "Balabakla" (sahngeh shiphang
 u peit sha ka kmie ka Bala nangta
 u ong) Phi kynmaw em Hep ha
 ka por ba phi dang pun ia ka
 Balabakla, haba i mei bad i pa
 (Bam kwai ha iing u Blei) ki kylli
 balei phi long kumne, phi ong ba
 phi ia bakla bad ine i kynum, ym
 dei kumta hep? (u peit sha ka
 kmie ka Bala):

Kmie Bala : (Dem shapoh) Hood.

Sympain : Dei na kata ka dāw 'ba i mei i pa, ynda la kha ia ka, ki sa jer artad da 'ka 'BALABAKLA'. Hynrei kaba phylla ka long ba kaba bit ia phi ki kmie ki kpa balei pat kam bit ia ki 'khun. (peit sha u kynum) Kynum nga tharai ba phim pat klet ba ha kato shipor phi ruh phi la shah ot balang. Hynrei i mei bad i pa jong ngi (bam kwai ha iing u Blei) kiba sngewthuh kim pyrkhing ia i hep ba in bud sha ka niam jong phi, wat la ha ka jingshisha ki long kiba skhem ha la ka jingngait niam Khasi. Namar ki la itbuh shai ia ka jingiaieit bashisha jong phi bad ki sngewthuh ruh ba ka longiing longsem kaba don lang ha kawei ka jingngait ka neh ka skhem Hynrei mynta ha ka jingshakri hok jong phi ia la ka niam phi la shah jied tymmen basan, haduh ba phi pyrkhat bad kynmaw tang ia ka bneng bad phi klet noh ia ka pyrthei, hato kane ka dei ka jingshakri Blei ba shisha jong phi. Da kynmaw hep da kynmaw kynum, ia ka pharshi u nongpeit Khlur ha ka Phawer u Aesop, u ba lapmlet tang ban peit bad niew ia ki khlur ha suh bleng, kyndit kynsan ha kawei ka miet, u hap

ha ka liew kharai bajylllew, hang-
 ta u iam u lynnai u kyrkhait bad
 pyrta briew ban wan ia tan lem ia u.
 Namarkata baba phi pyrkhat ia ka
 bneng da pyrkhat de ia ka khyndew-
 ong ka jingsneng. Phi tip uba wad ia
 ka burom um ju ioh ia ka burom ba-
 shisha, ki ong pynban u khwan bu-
 rom, namarkata uba wad tang ia ka
 bneng ruh un nym bneng ioh iaka kaba
 shisha. Hynrei kynum wat sngew eiei
 lada nga kynnoh ia phi khyndiat, na-
 mar phi phim khwan tang ia ka
 bneng hynrei phi la Khwan ruh ia ka
 spah da kaba phi la pynbor ruh
 ha kato ka por ia ka Balabakla
 ban ia poi kha bad uto u khar
 Contractor ba riewspah.

Kpa Bala : Kein noh kynum kein noh katto
 la biang, ki kyntien jong phi ki
 la ngam shaduh ki khleinshyieng
 jong nga. Phi phim long Khristan
 hynrei ki kyntien bad ki kam jong
 phi ki kham palat ban ia u khris-
 tan. Nga la sngewthuh mynta ia
 la ka jingbakla, ngan leit wad noh
 mynta ia la ka khun Phrangsngi
 jong nga, ka Balabakla. Naduh myn-
 ta ngan ai laitluid ha ka mon jong
 ka, tang ba kan ia shem bha shem
 miat ha kane ka pyrthai iing shong
 basa.

Kmie Bala : Nga ruh nga da sngew iahap jingmut eh ia kata ka jingong i Bah. Nga kwah ba ngin ia leit wad noh hi mynta kumae kumne (shri iam bad bat la ka shadem). Ani, ka shadem jong nga ka sngew kum ban bthei, ngam sngew nang shuh ban pyrkhath ei ei nga kwah dik dik ban iohi noh ia la ka khun Phrang-sngi jong nga.

Kpa Bala : Tangba kane kawei ka jingeh, shano ngin ia leit wad ia ka, hangno ka don mano ban tip ia ka jaka shong ka jaka sah jong ka.

Sympain : Lai bnai tam mynshuwa, haba nga la leit peit ha Hospital ia ka tnga jong uwei u paralok kaba leit sah kha khun nga la ia kynduh kyndit ia ka Balabakla, ka ruh ka wan sah kha khunlung, ka la dep kha i khun kynthei ka ioh, ki ia shait ia khilain bha ha kata ka por, ka iathuh ba' ki ia sah ha Mawlai, nga khlem ioh ai rneng ei ei ia ka, hamar ngam shym poi pyrkhath ban ia kynduh ia ka. Lai sngi, hadien nga la leit. biang ban leit peit bad ban leit ai 'rneng ia ka, hynrei ka la dep miha na Hospital,

Kmie Bala : Ban kumta te ka kham ba ngin
leit beit sha Mawlai, ngin kylli pyr-
thew na ki briew tharai ngin ia
kynduh beit ia ka.

Kpa Bala : Kmie, khie khot noh ia kito ki
khun heh baroh, ong ia u Bah Deng
ba un sei ia ka kali na sem bad
ba un kareh bak bak ba ngin ia
leit sha Shillong.

Kmie Bala : (Mih shabar).

HAP KA PYRDA

SCENE VI. ACT I :

HA IING U RANGBAH SHNONG : (Mawlai)

Don u Rangbah Shnong.

Rung u Kynpham u Trai iing ba sah wai ka Bala.

Kynpham : Rangbah ha iing jong ngi don kawei ka briew kaba kyrteng ka Bala ka la sah wai ha iing jong ngi bad la u lok la shi snem tam. Hynrei u lok jong ka mynta la shi bnai tam. u thiah pang ha Hospital. Bapli ka riaw kynthai ban kyrteng ia la ka iing ka hap ban leit trei kynta ha iing ki briew bad ka leit sait jain nong de katba ioh Hynrei mynta la wan uxor ha nga da kito ki briew ki ba ju ai kam ia ka, haba ki leit tied iing bad kyrsiew ia ka naduh dang step hynrei haduh mynta li baje ruh kam pat khie thiah. Ka briew te kaba khie step borobor bad kaba trei shitom.

Rangbah Shnong: Kum ia kata ruh me da wan iathuh Rangbah Shnong. Me ia thung rangbah shnong ban ia leit kyrsiew thiah briew mo lih?

Kynpham : Em phi, ngam mut kumta,
nga mut bar ong ba lehse
jia ei ei kaba pher ia ka, na-
mar katkum ba iathuh kito
kiba leit tied iing, ki ong ba ki
ioh sngew tang ia ka sur i
khun lung iba iam lynniar
sngewsynel.

Rangbah Shhong: Lada kumta te pbah briew
noh ma me sha Hospital, ia-
thuh ha u tnga jong ka, ia
kiei kiei baroh kumba ki long,
lada u la kham jem ia kren
ma phi bad ki Doctor ba kin
pyllait ia u ban wan sha iing
Na ka liang jong nga ngan
pyntip sha ki pulit ba kin leh
ia kaba donkam.

Mih u Kynpham shabar.

HAP KA PYRDA.

SCENE IV. ACT III.

Don u Rangbah Shnong, u Rangbah Pulit bad ki nongbud.

U Johnson uba iam pangnud bad kiwei kiwei.

Rangbah Pulit : (Phai sha u Rangbah Shnong)
 Rangbah katto ka kamram jong
 ngi ka la dep. Ha ka jingdon ryng-
 kat yang jong phi ngi la pyn-
 pait ia ka jingkhong jong
 kane ka ling, ngi la rah sha
 Hospital ia kane ka met iap
 na ka bynta ka Post Mortem
 bad mynta ngi la pynpoi biang
 sha ling. Katto la dei sa ka
 kamram jong phi ban pynkhuid ia
 kane ka met iap.

Rangbah Shnong : Khublei shibun eh ia phi
 Sahap, ngi da sngewnguh eh
 ia phi na ka bynta ka jing-
 farap shitom lem jong phi ia ngi
 ha kine kiei baroh.

(Rangbah Pulit bad ki nongbud
 mih shabar).

Rung u Kliaw, u khyannah uba
 dang 13 snem ka rta.

Khynnah : Don ki briew ba wan shane ki
ba wad ia ka Bala ki kam ia la-
de ba ki dei kiba ha iing ka Bala.

Rangbah Shnong: Sha ei ki don khot, ong ba
kin wan hangne.

Khynnah : (Mih shabar)

(U Rangbah Shnong u dang tan
duma katba kiwei pat ki dang
pynbeit bha ia ka met iap bad
ker pyrda de, ki sar ki pyn-
khuid ia ka kamra bad buh beit
buh ryntih ia ki tiar ki tar)

Ruug u khynnah (Kliaw) ryng-
kat bad kiba ha iing ha sem
ka Bala)

Rangbah Shnong : (Peit sha ki) phi dei kiba
ha iing ha sem ka Bala.

Sympain : Hooïd Bah.

Baroh : (Mar iarung lied ia ka pyrda
bad peit ia ka met iap).

Kmie Bala : (Iam), Khun kynrad ksiar i mei
khun baleit thepmynsiem i mei,
hangno phi don, nangno phi
don mynta khun. Balei khun
phi ieh noh jyndat ia i mei i
pa jong phi, khun kren seh khun

tang shi kyntien ban hun i mei
jong phi. Map noh seh khun,
map noh seh khun, ia ki jing-
bakla i mei i pa jong phi. Ah
ka khun kynrad ksiar i mei,
(iam eh).

Paidbah No. 1 : Kael kane, kumno ka nud ban
wan iam bad ban wan kam khun?
La dap palat snem ba ka Bala
ka la sah hangne, ngim ju iohi
wat tang iwei ruh iba ha iing
ki ban wan ia peit ia jngoh ia
ka, khatei mynta ynda ka la iap
ki wan iam kum kiba ieit eh.

Baiamon : (Ka para jong ka Bala ruh ka
iam kynslup bad dem shapoh).

Paidbah No. 2 : Hooïd kein ki jait briew aïu
eh kiba knm kine, kim don
shuh ka rain ka rem, ngim dei
ban aili ia kiba kum kine ki
jait briew.

(Kmie Bala bad Baiamon nang
iam eh).

Paidbah No. 3 : (Khynniuh na ka met ka kmie
Bala). Ei Kong ei Kong, peit
bha ioh phi bakla, kumno kane
kan dei ka khun jong phi ? Lada
phi dei te kumno baroh shi

katta phim ju wan peit wan
 jngoh? Lada phi ki kmie ki
 kpa phi iet bad phi don ka
 jingkitkhlieh shisha ia la ki khun
 kan leit jia lei kumne. Ka
 Bala ka iap thngan, bym don
 nongbsa, u lok thiah ha Hos-
 pital. ka kynthet briew bad ia
 i khun rit la ka trei shitom katno
 katuo ruh, hynrei tang ka bai
 dawai i'u lok bad ka bai
 dud khun ruh kana lah ban
 pyndap, kumta ka hap ban shu
 thiah jingit ialade baduh ban
 ua iap.

(Kmie Bala bad ka Baizamon iam
 lynniar baduh ba la kyllut sa kiba
 don ha ling).

Kpa Bala . (u ruh u shu dem shapoh, u jaw
 ummat um lait kren)

Sympain : Ko shnong ko thaw bad ko phi
 baroh kiba don hangne, nga pan map
 na phi iwei pa iwei, kine ki jingong
 jong phi baroh ki long kiba shisha.
 Nga nga long u Kni trai ka Bala hyn-
 rei sngewbha map ia nga, map ia i
 kmie i kpa ka Bala. Ha ka jinglong
 briew ki shoh ki sympat ia la ka khun
 namar ka ialang bad ine i pyrsa iba
 ka ia shong mynta. Haduh ba ki la
 phet na la ling bad na la shnong

khlem tip shano ki don. Ki sngi ki poi sha ki taiew bad ki taiew sha u bnai bad u bnai sha ka snem, hynrei ka Bala ka khun ka pyrsa jong ngi kam man wan phai iing. Dei ha kine ki sngi ynda ngi la ia phylliew jingmut shi iing shi sem ngi la rai ban wad ia ka Bala hangno ka don ryngkat ka jingsngew kit khlieh na ka bynta ka lawei jong ka. Ngim shym khmih lynti bad poi pyrkhat ba kan jia pynban da kumne ia ka. Ngim tip hangno ka shong ka sah, ngi la shu kylli pyrthew na kat kaba ngi ia kynduh. Khatduh ia ngi la iathuh ba ka Bala ka ia iap, ki da wan ialam bad pynithuh ia ngi haduh hangne ha iing. Ngim pynpaw ia ka jingsngewnguh kaba kbrawia phi baroh ki shnong ki tbaw ki ba ju don ryngkat lang ha syndah ka Bala.

Rangbah Shnong : Ngim sngew kmen eh haduh katta katta ban tip ba phi phi dei u koi ka Bala bad kine pat ki dei ki kmie ki kpa bad ka para ka Bala. Baroh shi katta ngi khlem ba kine ki dei ki riew khlem kur khlem jait khlem ba ha iing ha sem. Dei na kata ka daw ba haba ki trai jong kane ka iing ki wan iathuh ha nga ia kane

ka jingjia, nga hap ban shu phone sha ki pulit ba kin leh ia kaba donkam. Ha ryngkat ka jingdon long jong u tnga jong ka u Johnson uba ngi dang shu wan shaw na Hospital, ngi la pynpait ia ka jingkhang iing. Ynda ngi la rung shapoh jia aiu phi tip! Ngi lap ba ka Balabakla, ka khun ka pyrsa jong phi ka thiah iap lyngktar katba i khun jong ka pat i dang kjit um buin na ka met ba la iap jong ka kmie jong i. Shisha nga kren ha phi ia ka jingshisha ba katne nga la long briew man briew ngam pat ju lap ju shem kaba kum kane ka jait jingiap ba isangsot. Bad katkum ka post mortem ba ngi ioh na ki Doctor, ka long ba kane ka briew ka iap dei tang na ka daw ka jingthngan.

Kmie Bala : (kyllon iapler khlem lah khieh shuh)

Johnson : (Kren Ramia) Bala Bala baleit eh jong nga balei phi ieh noh jyndat ia nga, ialam lang seh baleit jong nga, nga ruh ngan leit lang bad phi, balei phi ieh noh ia nga hangne marwei;

Paldah No. 4 : (Kynthei) Johnson balei phi kren ruma kumta. peit ia ine i khun, lada phin iap lang bad ka Bala mano ban peit ia ine i khun jong phi. (Buh i khun lung ha pneh jong u, hynrei u kyllon iap ler pynban).

Belamen : (Da ka iingjaw ummat shim ia i khun lung bad kdup ha la shadem).

Rangbah Shinong : (Phai sha u Kpa bad u Kni ka Bala). Mynta na ka liang ka shaong ngi kwah ban tip, kumno phi kiba ha ling ha sem phi pyrkhat na ka bynta ban pynkhuid ia kane ka met iap jong ka Bala.

Kpa ka Bala : Nga long tang u briew uba dap tang da ki jingbakla, hynrei to u Blei un map ia ki jingbakla jong nga. Nga pan map rub na phi u Rangbah Shinong bad baroh kiba don lang hangne ba phiq sngew-bha ban nym ia bat ia ka lalt ka let bad ki jingbakla jong ngi. Ha ka jinglong kmie long kpa, ngi seng ngi pyni bad ngi kwah ba ki khun kin laid na ka lynti kaba bha na ka bynta ka burom jong ka tang ka sem bad ka lawei baphyidat jong ki hi, haba kim ngeit kim kongub kum ki kmie ki kpa ngi shoh ngi sympat ba kin sngew-

thuh ; phewse ka jingsneng jong
 ki ka kut da kane ka lynti. Mynta
 pa ka liang jong ngi ki kmie ki
 kpa bad kiba ha iing ka Bala,
 ngi kwah ba ia kane ka met iap
 jong ka khun jong ngi ngin rah
 noh sha la shnong, ngin pyndep
 ha la shnong katkum ka riti dus-
 tur ba ngi ju leh hapoh la shnong.

Faidbah No. 1 : Phi ong kumta, hynrei ngi
 ngim lah ban phiang ia kata ka jing-
 ong jong phi, khlem ioh ia ka
 jubah na u Johnson, u tnga ba shi-
 sha jong ka, namar ngi hangne
 hapoh shnong, ngi ithuh tang ia
 u Johnson, ym ia phi, lada u
 Johnson u ong rah te ngin shah,
 lada u ong em te kata ka mut em.

Sympain : Khublei shibun ia phi Rambah phi
 la kren ia kaba dei eh, nga sngew
 bun ia kata ka jingai jingmut
 jong phi, bad nga da sngew kitram
 ruh na ka bynta kane ka mynsiem
 sbun jong phi ba phi kitkhia na ka
 bynta ka burom jong i pyrsa John-
 son bad jong ka Bala. Hynrei ha
 kaba iadei bad i pyrsa Johnson nga
 mut ban ong ; ba dang myntan myn-
 tan hi ngi la dep phah ia u pyrsa
 jong ngi, u Bah Deng u para ka
 Bala ba un leit shaw la ki kmie

ki kpa jong i Pyrsa Johnson ba kin
 ia wan lang shane. I Pyrsa John-
 son kumba long mynta i la iapler
 bad i don ba jingbym tip briew, to
 ngin ia ap shi phang. ket ban da
 wan ki kmie ki kpa jong i, te lehse
 i la kyndit bynriew hi, lymne ki
 kmie ki kpa jong i kin rai bad ngin
 leh ia kaba donkam ha ka jingiabeit
 lang baroh ar liang khamtam eh
 na ka ka liang jong phi ka shnong
 kiba la leh shitom haduh katne.

HAP KA PYRDA

SCENE I. ACT II :

Johnson : (Khie kyndit naba iapler shong, ieng, peit lynggoh). Ha ei kumne ia nga mano ba wan rah ia nga shane, shuh ngam treh sah shuh ha kane ka iing kaba la beh ia nga. Shaei I Bala, shaei I Bala, hangno i don (kyrjaw ki khmat bad sdang sngewthuh) Ah, ka bapli ! Ka Bala baieit thep mynsiem jong nga. Phi la iap. phi la iap jah burom tang namar ba phi ieit ia ia nga. Phi trei shitom ban pynbiang ia i khun bad ia nga ha Hospital phi wan peit miet bad step, phi pynbiang ki dawai dashin bad phi iai duai ba ngan koit kloj noh, hynrei mynta balei kein ieit phi ieh noh ia nga marwei, kaei kein ieit ka daw ba phim iathuh lem ia nga, da ap da ap lem ia nga baieit ngan leit lang bad phi(iam bad niad ummat).

Kmie Johnson ; Johnson, khun wat kren bieji kumta, peit shane, ka jingiap hi ka dei ka rai jong u Blei. Phi i khun shisien bym suk lang hi mangi ki kmie ki kpa u Blei ruh um suk. dei na kata ka daw ba u Blei u sa shim noh kloj ia ka Bala, khnang ba phin dup sngewthuh bad kylla kaba mut, donbok ba u Blei u

dang iet ia ubi bad u ailad ba
phin pyrkhath biang sa shisien
ba phin wan phai biang sha ka
lyati ba shisha.

Johnson : Mei, phi la angewhun jrut mynta ba
ka Bala ka la iap, pleng dei kane
ka jingieit Blei ba shisha jong phi.
Imat phi duai miet step ba u Blei
un shim noh ia ka Bala tad ba un
pynlong ia ngi ba ngin imjynjar bad
ka jingkordit Haba kumta phi duai
ba phi iet shisha ia u Blei ne phi
duai ba u Blei un pynbiang ia ka
jingang ka dohnud jong phi? Lada
ka long kumta phi pher aju na u
nongai ksuid. Wow! Kum kane ka
jait iing ngan nai, ngam kwah ban
shong ryngkat shuh bad phi mei.
habar phi paw ba i mei i pa jong
ngi ki dei kiba riewblei bad kiba kit
kbia ia la ka kam ram niam. Kat-
ba ka dohnud pat wow! pleng ban
iap ka biew kaba kim iahap jing-
mut ki da shad kmen pynban,

Kmie : Khun phi angewthuh bakla kam dei
kumta kumba phi pyrkhath, hynrei ngi
borobor ngi shanish bait ha ka jingpyn-
aid baid jona uba na jrong.

Johnson : nong kumta phi pat myntan phi
ong ha ka Bala ka iap, dei namar
bym suk ma phi ki kmie ki kpa.

Shuh ngan nai, ngan nai ia kren
kum bad phi, khlieh khlieh tdong
tdong, mano ba lah ban shaniah
(ieng) ngan leit noh ngan leit wad ia
la ka khun shano ka don ngan ri
ngan sumar bad ngan im tang na-
mar jong ka. (mih shabar).

Rung u kpa na kawei pat ka jingkhang.

Kpa : Kumno u Johnson u la kyndit ?

Kmie : Hood, tang ba u dang leh king khlieh
u ong ban leit wad ia la ka jong
ka khun, u dang shu mih dang
kumne kumne hi.

Kpa : Nga da sngewkmen bad sngew-
tynnat eh ba u Blei u shah shkor
ia ki jingduai jong ngi, lymkumta
te u Johnson, u khun Phrangsngi jong
ngi, un nym wan phai shuh sha la iing
bad shi sien ba um wan phai sha la iing
ka mut ba u la jot, u jot sydon
met bad mynsiem.

Kmie : (Dem shapoh) Tip, phi kpa nga te nga
la sngewthuh shai, ia kine kiei kiei
baroh. Ka jingiap ka Bala kam dei
ka jingkyrkhu, ia ngi ka dei pynban
ka jingtim. Balei ba pyrthei ngi wad
tang ia la ka longsan. Leda U Blei
u kloï ban map ia ka jingbakla jong
ngi ki briew, balei ngi ki kmie ki


kpa ngim lah ban map ia ki jing-
leh bakla u khun la jong, ne jing-
bakla jong kiwei pat. Balei ngi sngew
sarong ban pyriksan tang ia la jong.

Kpa : Ngam sngewthuh phi mut ban ong
kumno haba phi kren kumta ?

Kmie : Peit shane kpa, ngi mynta ngi la long
kum ki nongpyniap briew, lada ha
kato ka por ngin nym beh ia u
Johnson na la iing, hynrei ngin ailad
ba un ia shong ia sah bad ka bad
ngin iarap ia ki ha ki liang baroh,
nga ngeit ba ka Bala ruh kan bud
sha ka niam jong ngi. Ka jingbeh
jong ngi ia ki tang namar ka jing-
faiet jong ki, ka pyni ba ngi bat
ia ka bor bshar ha la ka kti
bad ngi la rai rem lypa ia ki. Ha
ba kumta aiu pat u Blei un ong
ia ngi, ngi la shim ha lade ia ka
bynta ba u dei ban leh ma u. U
Blei ia nga ia phi u dang ai lad
ba ngin kylla kaba mut, hynrei ngi
pat ngim ai lad ia la u khun ba
un pynphai nia kylliang wat tang
shi kyntien ruh.

Nung u Johnson :

Kmie : (Jeng knet kti kmie mut ban kdup
ia u Johnson)



Khun phi

Johnson : (Khlem sngap ia ka jing kren ka kmie)
Wat ktah kti ia nga mei, phiin don hok
shuh halor jong nga kumba phi la
beh ia nga, haba wat nga ruh ngam
don hok shuh halor ka khun kaba
nga da ieit thep mynsiem. Wow ka
pyrthei! Ka pyrthei aiu eh kaba
kum kane, ym don jingsuk, ym don
jingsuk shuh ia nga ha pyrthei.

(Kren ramia) : Ka Bala baieit kam don shuh,
Ia i khun baieit ruh nga la duh
Myntoi aiu ia nga tang marwei,
Ba ngan im jynjar ha pyrthei

Kmie : Balei phi kren ruma kumta khun,
sngap seh khun ba in kren i mei
i pa jong phi.

Johnson : Ngam sngap, ka myntoi shuh ia
phi ba phiin kren halor u khun ba
phi la beh (kren ramia). Ani nga
pang ka shadem (bat ia la ka sha-
dem), nga pang ka shadem, ban pyr-
khat na ka bynta la ka khun ba
nga ieit thep mynsiem. Baroh shi
katta i kiaw i kthaw ki beh ia ka
Bala ba ka ieit ia nga bad ngi im
jynjar haduh katta katta, ki isih ia
nga hynrei ia i khun iba mih na ka
syngkai jong nga, iba long ruh ka
spah mynsiem bad ka doh ka snam

jong nga, hynrei mynta k̄m treh aiti
 ha nga. Wow! Ka mynsiem Khris-
 tan kaba kum kane pleng, ngam ju
 tip. Hana te ieit ia u nongshun
 kumba ieit ialade hi, phuit! Ka ban
 shoh sa ka khlam ka ngoh. Lajar
 katta ki sngew bad khein ia lade ba
 ki dei ki khun jong u Blei.

Kpa : Khun mynta ngi la sngewthuh lut ia
 ki jingeh jong phi baroh, ba kine ki
 jingjia ki dei tang ki jingtynjuh kiba
 rit eh kiba u Blei u ai jingsneng,
 hynrei ka por dang bun kaba shadien.

Johnson : (Da ka jingbitar peit pynheh ki khmat
 sha u Kpa) Aju phi mut ban ong
 da kaba phi kren kumta? Da kaba
 phi la pyniap ia kawei ka mynsiem
 briew phi mut ban ong ba kata ka
 dei ka jingsneng ba ai u Blei?

Kmie : Khun, i kpa im shym mut kumta.

Kpa : Sngap khun ngan pynshai ha phi ia
 ki jingshisha.

Johnson : (Knieh ktien) Sngap ia kaei ngan
 shgap, jingshisha aju kata? Phi la beh
 jyndat bad pynmih-lyngkhuit ia nga
 na la iing, kata hi ka la batai ia
 nga ba phi dei tang ki miaw bam
 khun! Sun suem tam nga la trei kum
 u nonghikal skul bad ki tulop ba-

roh nga la aiti lut ba phi, shi napa
 saw ruh ngam ju bat ha lade. Hyn-
 rei tang namar ba nga la jied ia ka
 Bala kaba phim mon ba kan long ka
 kurim jong nga phi beh syndet ia
 nga na la iing, ym tang katta, hyn-
 rei i pa pa lei lei i da kmen toh
 hoh ryngkat ka rkhie sahuu haba i
 la wan rah ka khubor ban pyntip ba
 ka balang ka la weng noh ia nga
 na ka kam hikai tang namar ka jing-
 iahap kurim jong nga bad ka Bala,
 da kumta kein phi hun ban tip bad
 ban iohi ba nga ngan bsa ia la ka lok
 bad i khun da kaba kitnong bad ban
 trei shitom ia ki kam kiba ngam pat
 ju trei. Haba nga pang bad don ha
 Hospital, ka lok jong nga ka hap
 ban trei shitom, da kaba bah ia la
 i khun ryngkat ka leit sait jain nong
 bad khlieng tiar ha iing ki briew,
 khnang ban pyndap bam ia i khun
 bad ban pyndang bai dawai ia
 nga ha Hospital. Ka len ialade bad
 ka shah jingit tang ban biang i khun
 bad bai dawai ia nga, kat haduh
 ba kan da poi ha u pud ka jingiap.

Kmie : Khun nga la ong ia phi ba ka jing-
 iap bad ka jingim jong ngi ki briew
 ka dei ka rai Blei ym ka rai briew. Na-
 mar kata ka daw ngam sngew iahap ba
 phin tei pop hano hano halor ka jingiap
 jong ka Bala.

Johnson : Kumno phi ong ba ka dei ka rai Blei. Haba phi la knieh noh ia u khaw na nga da uba nga lah ban im bad ban pynim ia ka lok bad ki khun, ka long thik kumba phi dung da u sum bad mynta ynda ka lok jong nga ka la iap phin kynnoh ba pyn-iap u Blei ? Kum kane ka dohnud bam khniang ka don ha phi ruh pleng.

Kpa : Kata ka jingkren jong phi khun kaba dei, hynrei ngi sneng ngi pyni ia phi ha kato ka por namar ngi kwah ba phin iaid ha ka lynti kaba dei, kaba da suk da hun lang ma ngi ki kmie ki kpa, ngi da kwah eh ba ka lawei jong phi kan long kaba phyrnai, hynrei haba phim kohnguh ia ngi katno ngi sngewsih bad ngi jaw ummat kthang na ka bynta jong phi.

Johnson : Ngam tip la phi kmen ne phi sngewsih, la phi jaw ummat kthang ne ummat thiang, kata ka snong ha phi. Tang kane kawei nga tip, ba bun ki kmie ki kpa Khasi jong ngi, kim ju ieit ia la ki khun shynrang, lada ki ieit ruh ka long tang haba ki idon jingmyntoi. Phi ruh phi long uwei na kita.

Kmie : Wat ong seh khun kumta, ba phin kohnguh ia ngi ki kmie ki kpa phin nym long kumta.

Johnson : Ba nga long kumne ruh dei namar
 ba nga kohnguh ia phi kein. Ia nga
 tang mar ia dep matrik phi pynpep
 skul noh, nga hap ban kohnguh ia
 phi ban leit hikai skul noh, khnang
 ba phin lah ban phah pule ia kine
 ki para kynthei jong nga, sha ki
 kyrdan ba kham shaneng.

Mynta kine kl la dep B A, M.A,
 hynrei nga pat tang kumne. Ia nga
 phi kbmih lynti ba ngan shu bsa
 iing kur sah bad ba ngan nym wad
 brieve shuh. Dei na kata ka daw
 haba phi tip ba nga ieit bad ialang
 bad ka Bala phi dom phi bitar, ym
 tang katta phi peit ibein ia ka
 na khlich ha kjat la kum ka
 nongleh kam byrman, phi la beh syn-
 det ia ngi na iing khlem da ailad
 ba ngin kren wat tang shi kyntien
 ruh. (Niad ummat) Mei, pa, da ka
 jinglong tyrai jong nga, ngam shym
 mut ban sait lah ia phi, wat naduh
 ki por ba mynshuwa ruh nga ia leh
 katba lah ban kohnguh ban nym
 pynsngewsih ia phi, hynrei ka jing-
 eh ka dohnud jong phi ka pynlong
 ia nga ban kam palat ia u pud jong ka
 jingiatip lem, khlem da khein shuh
 ia ka jingsngewrem. Niuma lada phi
 long shisha kumba phi ong ba phi
 ieit shisha ia nga, te balei ha kato
 ka por phim shym la iarap lem
 ia nga, hynrei najor ba la

shah beh na ka kam hikai, phi pat phi
 kmen toh bob pynban bad rkhe bein
 haba nga hap ha ka jingjynjar. Kaei
 kane, hato kane kam dei ka kput?
 Wat ia la u khun uba iaid sait lah
 tiak phi kmen ba phi ioh pynbiar
 kput. Katno tam ka jingkmien jong
 phi lada phi ioh pynhiar kput ia ki
 nongshun kan long Haba kumta ia-
 thuh ia nga kaei ka jingthmu jong ka
 jinglong Khristan jong phi.

Kmie & Kpa: Map noh khun mynta ngi la
 sngewthuh ia la ki jingbakla.

Kpa : Hooid khun, ha ka jingshisha ka jing-
 weng noh ia phi na ka kam hikai
 kam dei ka rai jong ngi ki kmie ki
 kpa, hynrei ka dei ka rai joong ka
 balang shi tyllup; hynrei nga sngew-
 sih ba ha kato ka por ngim shym
 la shim da kino kino kiwei pat ki
 lad ki lynti ban iarap ia phi. Pyn-
 ban ngi shim kabu halor katei ka
 jingduh kam jong phi, da kaba pyr-
 khat ba phin sa kylla kaba mut ynda
 phi la poi ha ka kut lad bad ba
 phin sa wan phai kylla dien trai sha
 la ka jong ka ling ka sem. Hynrei
 mynta ngan ong kumno pat, shi byn-
 ta nga dap da ka jingkmien kaba
 khraw ba phi la wan phai biang bad
 sa shi bynta pat nga dap da ka jing-
 sngewsih khang ia ka jingleb palat

jong ngi ia phi. Kumta kein khun
ngi pan map na phi ia kine baroh
ki jingbakla ba ngi la leh ia phi.

Johnson : Phi dap da ka jingkmén ba nga la
wan phai bad phi sngewsih kthang
pat ia la ki jingleh palat jong phi
ia nga. Kata ka dei ka jingpyrkhat
kaba bakla palat, nga khlem wan
phai ma nga sha la iing hynrei phi
wan rah hi ma phi ia nga haba nga
don ha ka jingbym tip briew. Phi
don daw aiu ban sngewsih na ka
bynta jong nga, hynrei phi la dei
ban sngewsih na ka bynta ka baieit,
jong nga ka Balabakla kaba la duh
ei ia la ka jingim tang namar ka
jinglong eh rang jong phi. Kawei
ka mynsiem ka la duh, hynrei phim
sngew ei ei pni shim ba kane ka
dei ka rai ka jong u Blei. Hynrei
phi klet pat ban pyrkhat ba lada phi
ieit shisha ia u Blei, kaba nyngkong
Phi dei ban ieit shuwa ia la ki para
briew, khlem da bishar kam pher la
ki dei na kano kano ka niam ruh.
Hynrei phi pat da khongpong i kum-
ba phi kmen pynban ba ka Bala ka
la iap. Hato kane ka dei ka jing-
shakri Blei ba shisha jong phi ? Da
kynmaw mei da kynmaw pa ba ka
jingbuaid niam ka dei kaba sniew
tam, dang lah uba buaid kiad, na-
marba ynda u la pyngngad u sngew-

thuh la la ki jingbakla la jong Hynrei uba buaid niam um ju sngewthuh ia la ki jingbakla namarba um ju pyngngad. Peit nuksa seh mei pa aiu phi iohi ha kine ki khyndiat snem ba la dep, katno phew spah ngut ki mynsiem ba lui lui, ki shu iapei ha Ayodhya haba la mih ka jingkulmar tang namar ka jingbuaid niam hapdeng ki Hindu bad ki Muslim. Mei - pa nga sngewsih bad jaw ummat kthang ban tip bad iohi ba phi phim iait shisha ia u Blei phi iait bad duai ba u Blei da ka ba phi khmih lynti ba phin ioh jingmyn-toi ei ei na u Phi sngew sarong ialade da kaba leh riewblei ban ioh jingiaroh na ki para briew, hynrei ha ka juh ka por phi isih bad niew poh ia kiwei pat khamtam ia kito kiba don sha kawei pat ka jingngeit, phi sngew hok ialade bad ibein ia kiwei pat bad niew ba ki dei ki nongpop, hynrei ka ktien u Blei ka ong, "Isih ia ka pop ym ia u Nongpop".

Kmie : Kein noh khun katto la biang, ki ktien jong phi ki la dung palat ia ka dohnud jong nga, ngan kynmaw dungong khun ia kine ki kyntien jong phi bad naduh mynta ngan im kum ka Khristan ba shisha ban iait ban iarap bad ban shakri ia ki para marjan khlem da niew shijiliang

khmat la ki dei dei na kano kano
ka niam ruh.

Kpa : Khun, nga ruh naduh mynta hi ngan
nym bein nym khoh shuh ia kano
kano ka niam. Hynrei naduh mynta
ngan ieit bad shakri ia u Blei da
kaba ieit bad shakri ia la u para
briew khlem da khein la u dei na
kano kano ka jait niam ruh. Ym
tang katta hynrei ngan ieit ruh ia
kiba shun ia nga kumba ieit ialade hi.

Johnson : Mei - pa, nga la sngewhun bad sngew
suk ka mynsiem, ba phi la sngew-
thuh ia ki jingshisha bad halor kine
ki jingshisha ba phi ngeit to ia id
shaphrang ha ka jingim jong phi
ba man ka sngi. Hynrei ia nga te
mei - pa, wat sahnud ei ei shuh ne
wat khuslai, namar nga dei ban mih
noh na kane ka pyrthei iing shong
basa.

Kmie & Kpa : Wat kren bie j seh khun kumta.

Johnson : Ngam shym kren bie j, namar ki
kular halor ki kular nga dei ba pyn-
dep, ngi la iateh sai iong sai saw bad
i Bala tang ar ngut hi ba lada iap
ngin ia iap lang lada im
ruh ngin ia im lang, mynta haba
i Bala i la iap hatu kam long ka
pop ia nga ban im marwei, da ka
ba pynkhein ia katei ka kular ? Ym
tang katta i khun iba nga ieit thep

mynsiem ruh, hynrei mynta nga ngam
 don hok ei ei shuh halor jong i.
 Ki kiaw ki kthaw ki kam nongkynti
 halor jong i. Wow! wow! ka pyr-
 thei aiu kaba kum kane, nga la suk
 ka iap ban ia ka im. Bala baieit
 sngewbha seh wan shaw noh ia nga
 nangne.

'Kmje & Kpa : (Peit feit isynei ia la u khun,
 ryngkat ki jingjaw ummat).

Johnson ; (Ha la marwei kren ramia).

Ki juban ba ngi la ia khlei,
 Mynba phi dang don ha pyrthei ;
 Baieit ha nga phi aiti lut,
 Naduh basdang haduh ba kut ;
 Ha duwan jingieit b'jylliew tam.
 Sha thwei jingim ia nga phi lam.

Nga ruh ha phi juban nga ai,
 Lyngba jingieit bajanai ;
 La duk kyrduh ne suk riewspah.
 Ia phi baieit ngan kit ngan bah ;
 Wat jingiap hi kam lah ban weng ;
 Jingieit jahai ba ngi la deng.

Mynta marwei nga khiih pisa,
 Haba jyndat phi khlad na nga ;
 Da ap seh feit da ap ia nga,
 Sha ba phi leit ialam ia nga ;
 Ia ki kular to da kynmaw,
 Ia nga nangne kloï to wan shaw.

(Ka kmie ka dem shapoh bad ka niad la ki ummat, u kpa u sei ia la u nevy cut bad kyllain sikret, u Johnson pat u peit sawdong ia ka kamra, kum ka dak ka jiagai khublei khatduh, nangta u sei ia ka wait tukri na ka pla kud bad u dung kynsan ialade prak na shlipnud, bad u kyllon artad kram).

Kmie & Kpa : (Kyndit shuit kumba iuh tdong bsein) Khun baieit, khun baieit. Wow - wow balei ! Balei kumne, jia aiu kumne, wow, la dum ka bneng ka khyndew (Bhu hu hu iam paid dohnud ka kmie. U Kpa u shim ia ka wait tukri bad phut ia ka na ka shadem u Johnson, u pyrshang set ia ka snam da ka jain, hynrei u Johnson u tlot palat bad um i tip brieve shuh)

Kpa : Map noh seh khun ia ka lait ka bakla i mei i pa jong phi. Balei haduh katne phi leh, aiu phi kwah, ngin pynbiang ia phi katba lah.

Johnson : (Ha ka sur batlot u lait kren) Meipa, nga kwah ba phin tep lang ia nga ha ka juh ka sngi bad ha ka juh ka thliew jingtep ryngkat lang bad ka Bala. (Hadien ba u la kren ia kine ki kyntien u dkut mynsiem artad jar)

Kmie & Kpa : (iam pait dohnud)
HAP KA PYRDA

SCENE V. ACT II :

Don u Sympain bad u kpa ka B la Shabar (wing) ioh sngew ia ka jing-sawa ka kurat ot dieog, ka jingriew u tyrnem sa prek, ka jingiam luh ki kynthei.

Rung u Ma Jylliew Jingmut, u tymmen uba la 82 snem ka rta.

Kpa Bala : (Mar ia iohi ia u tymmen) Rung rung Parad ale shong hangne (ieng na ba shong bad jaka ai shong ia u, uphai sha u tymmen nangta u ong) Nang ia shong kai ma phi kynum nga te nga hap bad leit peit leit khmih bad pyn-beit kam shabar.

Tymmen : To to ym lei lei kbie pyndep la ka kam

Sympain : Phi dang shu wan na la iing ne ma?

Tymmen : Hooïd.

Sympain : Phi dang i eh i khlain bha du ki khun ki ksiew ki ia shait ia khlain bha em ?

Tymmen : Ki shu ia bit bi malu mala, te kumno sha kane ka jingjia ka wan hap-shop kumae ? Ha kano ka ru-

kom ka Bala ka iap bad kumno ruh
phi ia tip ba ka iap, haba kam shong
shuh ha la shnong lymoe wat phi
ruh- phim ju ia wad ia ka ?

Sympain : Shi rukom sngew lehrain bad sngew
jah burom phi ma, bao iathuh briew
shaphang kane ka jingjia Namar ba-
roh hi kane ka jingjia ka wan jia
dei tang na ka jingbuaid niam palat
jong i hep bad i kynum.

Tymmen : Kaba shisha kata (u kem ktien sted
bad la ka jyllud tmain) Nga ima
palat ka rukom ngeit niam kine ki
khristan. Haba nga leit sngap haba
ki pynlong jingiaseng ialap haba kren
bad iathuh kbana ma ki Hai - re
hai, nga sngew kumba ha ki ym don
lok ne nongshun ym don rit ne khraw
hynrei baroh ki la ia long ka juh.
Hynrei kaba i phylla bad kaba lyng
ngoh ka long ba kawei ka balang ka
ia kawang ktieh ia kawei pat. Kham
tam lei lei ka balang Presbyterian
bad Katholik, i kumba ki ia sang
kumba ia sang ka um bad ka ding.
Khamtam lei lei haba ki ia kynduh
kum ha kine ki khep hai - re - hai,
la long kumba ia kynduh ki shiliang
thma ne la long kumba ia kynduh
u Niangbri bad u khla, ban da dei
ba don lei lei sa u myrsiang tang
katta ia ia um shiliang shiliang. Ada....

da.... ka apot sep sngi ai' eh kaba
kum kane, (U sei la u smuk na ka
pla Kud bad thep duma ban dih)

Sympain : Yn la ong kumno phi ma, nga ruh
nga ima ba kine ki niam, i kumba
kin phiah pynban ia ka jingia-
long tylli kawei jong ka jait byn-
riew jong ngi Nujor ha ki por ba
mynshuwa seh, ki Missionary la kat
ki Missionary shisha, ha khmat jong
ki ym don r.t ym don khraw ym
don duk ym don riw spah ki thied
ia ka dohnud ki briew da ka jing-
feit bad jingsbun kaba mih nadub
ka dohnud batlem jong ki. I parad
jong ngi (Bam kwai ha iing u Blei)
i dei i nonghikai skul, ha ka skul
jong ka balang Katholik wat la shi-
sha im shym long niam Khristan,
hynrei mynta pat nga i ba ka ba-
lang Katholik kam shah ba uno uno
u bym dei Katholik ban hikai ne
trei hapoh ki skul ba pyniaid ma ka.
Ym tang katta hynrei wat ia kito
ki balong Katholik kiba la hikai skul,
lada ki iahap kurim khlem ia pyn-
beit, mardor ka beh kam ia ki, kum-
ba ka la leh ia u Johnson.

Tymmen : Ym tang ka balang Katholik, hyn-
rei nga sngew ba ka balang Presby-
terian ruh ka leh kumjuh. Kane kein
ka dei ka jingma kaba khraw tam

kaba ap ia ka jait bynriew jong ngi, ia
 ia ka Niam ki buh ha khmat-
 eh ka jaibynriew pat sha dien.
 Hynrei ki klet pat ban pyrkhat
 ba lada khlem ka jait bynriew
 hangno kin ieng kita ki niam. Shuh
 shuh ruh lada ngi phai sha ka Riti
 synsbar jong ka ri India ngin shem
 ha ka ktien 'Secularism' lane kata
 ka hok ba la ai lait luid ia ki niam
 kam don dor ei ei ruh em.

Sympain : Kumno kata ka la lah ban long ?
 Haba ha ri India jong ngi, dei lyngba
 jong kane ka 'Secularism', ba ngi ioh
 mane Blei laitluid katba mon ha la
 ki jong ki jong ki rukom ngeit niam.

Tymmen : Ooooo HOoooo HOoooo ..., ia
 kata ruh phim sngewthuh, kam don
 jingmut ei ei kata ka jingioh mane
 blei laitluid, katba ha imlang sah
 lang pat ngim laitluid. Peit - peit
 shane ngan ong ia phi. Lada phi
 apply kam Sorkar ha kata ka form
 la thoh shai ba phi dei ban iathuh
 ba phi dei na ka niam aiu ? Lane
 leit rung skul leit sah ha Hospital
 kaba nyngkong eh bad kaba kongsan
 tam na baroh kin kylli ia phi ba phi dei
 na ka niam aiu ? Bad lada phi ia-
 thuh ba phi dei na ka niam Khris-
 tan, sa Khristan aiu pat ? ki kylli.
 Adur lanot ! Hato kane phi tharai ym
 don .ei ei sha lyndet ? Lada uta u

nong kylli uba don ha ka bor ban
 iarap ia phi, haba u la tip lypa ia
 ka niam jong phi, phi tharai ba
 un nym don ka mynsiem ban ia shah
 sha ki para ba ia dei na ka
 juh ka jingngait. Kaba kham ma
 shuh shuh ka long ba ioh kan poi
 ka por ba ha ka kyrteng jong ka
 niam ioh ieng u sum bad khie ka
 wait, tang katta te ka ri Khasi Jain-
 tia jong ngi kan sa kad arliang wak
 kumba kad ka ri India.

Sympain : Kaba dei ma kata ka jingong jong
 phi, nga da lade hi nga la shem ba
 ba Sor Shillong, lada phi leit wad
 ting wai, nyngkong kin kylli, phi dei
 na ka niam aiu ? Nga ngeit ba sha
 lyndet jong kane ka jingkylli
 don kaei re kaei kaba ngim lah ban
 angewthuh. (U Sei sikret u ai
 uwei ha u Tymmen bad kbum
 sha lyndet ha la shyntur u wei bad
 u kyntah jympruid).

Tymmen : Kata kaba shisha (kren bad ka tan
 sikret) Lada u nong ai wai u shem
 ba u nong wad wai um dei na ka
 juh ka niam khlem pep un nym ai
 bad lada u ai ruh un am da ka dor
 kaba rem ba un nym lah ban siew.

Rung ka Balamon, para ka Bala ka
 wan rah sha ha Tray, U Tymmen

bad u Sympain ki dang myllen ka
tan sikret.

Baiamon : (Buh ka sha bad jingbam dih sha ha-
lor ka miej, nangta phai sha baroh ar-
ngut) shim ia dih noh kein ioh lap
ba ka pjah.

Tymmen : To to Bih ich hangto ngin ia dih hi.

Baiamon mih noh shabar.

Rung u Kpa ka Bala.

Kpa Bala : Oh, phi la ia ioh sha nga nang
wan peit ba ioh ym pat don ba
wan ia ai sha ia phi shane. (shong
ha shuki).

Tymmen : Kumno la jan dep kreh, katno ba-
je ei ei tharai phin ia khreh hiar tep.

Kpa Bala : Ngam nang batai shuh mynta, ngin
hap ban ia rai lang, namar dang myn-
tan kumne kumne hi kito kiba ha
iing u Johnson ki wan iathuh ba u
Johnson ruh u la iap bad katkum
ka jingiathuh jong ki, u kwah ban
tep lang ba kajuh ka sogi bad ha ka
juh ka thljew jingtep ryngkat lang
bad ka Bala.

Sympain : He! Phi ong balei kyaum? I pyrsa
Johnson ruh i la iap. (Kyrjaw ia la
ki khmat kumba ruma). Phi da tip
ne phi shu kren ruma?

Kpa Bala : Kaba shisha te, ka ka jingiap ruh

kaba sngew shykhei. (phai sha u Sympain) kynum nga tharai kan kham bha ba ngin ia lum ia lang ia ki katto katne ngut kiba ba iing ha sem ban ia pyrkhut lang halor kane ka bynta (Phai sha u Tymmen). Ne phi ong kumno heit Parad)

Tymmen : Kaba dei eh kata ka jingpyrkhat jong phi, ka kham bha hi ba phin ia pyrkhut lang. Tang kawei ngan ong ia phi ba ki kyntien khatduh kiba mih na ka shyntur jong uno uno u briew shuwa ba un dkut mynsiem ki long kiba dei ban burom.

KPa Bala : (Phai sha baroh ar ngut). Te nang fashong kai shuwa ma phi shiphang, ngan leit khot ia kiba ha iing ba kin ia wan noh kloi ban ia pyrkhut noh kloi ia kane ka bynta.

Tymmen : Nga ruh ngan ieng noh shuwa ba la sogew sakhrat kata ka shong sah ha juh, ngan mih noh shuwa lada ka long kumta te nga hap ban leit mih sa ha iing jong u Johnson de, nang ia pyrkhut ma phi. (Ieng pyn-beit syngkai bad mih noh ryngkat bad u Kpa ka Bala).

HAP KA PYRDA

SCENE VII. ACT I.

HA LUM JINGTEP

Don artylli ki synduk met iap, ba la pynriam itynnat bha, ba la buh hajan ka thliw jingtep ryngkat lang bad, ki syntiew bad ki diengphna ba la buh bad pynieng ha ki synduk.

Sawdong ka synduk, ieng u Phadar, u Pastor, ki khynnah rah syntiew, ki kmie ki kpa ka Bala, ki kmie ki kpa u Johnson bad don lut baroh kiba ia shim bynta ha kane ka Drama.

Baroh : (Mar ia plie ia ka pyrda rwai ia kane ka ka jingrwai).

1. *A jingsuk bneng, a jingsuk bneng !
 Uei bym kwah jahthait ?
 Uei bym wad ri suk haneng,
 ling shong ki b'la kyrkhu ?

Antra ; Jaka shong ki 'riewkhuid,
 Phyrnai da ka jinashai ;
 Jingkmien kyrhai khlempud
 Ha khmat u Blei, u Trai.

2. A jingsuk bneng, a jingsuk bneng !
 Pyrthei pop nga' la ngiah,
 Ryngkat Jisu baieit ha neng
 Ban shong junom nga kwah.

3. A jingsuk bneng, a jingsuk bneng !
 Ka pop nga la isih ;
 Nga kwah long khuid janat khlem meng
 Pyrthei kumba ha bneng.
4. A jingsuk bneng, a jingsuk bneng !
 Nga sliang nga thrang shisha ;
 Ban sngew jingrwai bathiang ha neng,
 Ban ap la nga dang dei".

Ref : Lynri bneng No. 375.

Phadar : (Hadien ba la kut ka jingrwai) Myn-
 ta hadien ba ngi la pyndep ia kane
 ka niam iap, na ka liang jong ka
 Balang Presbyterian bad kumjuh ruh
 na ka liang jong ngi ka balang Ka-
 tholik. Te mynta shuwa ba ngin buh
 noh junom ia kine ki met iap ha ka-
 ne ka dew met ba kyntang. Hangne
 ngi don iwei i riew tymmen I Ma
 Jylliew Jingmut, iba long iwei na ki
 riew don burom bad u khraw pyr-
 khat jong ka jaitbynriew jong ngi, in
 sngewbha ban ai jingkreng lyngkot khyn-
 diat shuwa ba ngin ia kblad jynduh
 bad kine ar ngut ki mynsiem ba la
 leit noh.

Tymmen : (Tur bad leng ha khmat Pynbeit
 bha jain spong) : Ka jingiap ka
 long kaei kaei kaba ngi baroh iwei
 pa iwei ngi hap bad iaid lyngba bad

yn ym don uwei ruh uba lah ban iaid
 lait na ka : namar ia ka la buh beit
 buh ryntih da u Blei Trai kynrad e
 nongbuh bynta uba la buh la thaw
 ia man iwei pa iwei i jingthaw ba
 im wat ibarit eh ruh.

Ban duh noh wat tang kawei ka met
 longdoh longsnam kaba kyntang, ia kaba la
 thaw kyrpang da u Blei Trai Kynrad, ka
 long ym tang ka jingduh kaba khraw hynrei ka
 long ruh ka jingsngewsih kthang ka bym lah
 shuh ban batai ia ki kmie ki kpa, ki hyn-
 men ki para, ki kur ki jait, ki kha ki man,
 ki shong rynkat ki sah rynkat bad jong ba-
 roh kiba ia ithuh ithaw.

U Johnson bad ka Balabakla, ki long
 ki briew kiba bha kiba kynjai, kiba jar jar
 bad kiba duna ktien bad haba nga ong kiba
 duna ktien kam mut ba ki bym nang kren
 ne kiba thlun, hynrei namar ba ki long ki
 briew kiba kynjai, ha ktien ka thylliej ka kren
 ka khana bad kiba da thew shuwa ba kin kren
 ioh ka pynsngewsih ia kiwei pat. Ha ka por
 ba ki dang samla bad dang don ha shnong
 ki long ki briew kiba kloi ban tarap ia ki-
 wei pat khamtam ia kiba duk bad kiba shem
 shitom bad katkum ka jingtip jong nga ym don
 kiwei pat ki samla kiba bha kham palat ban ia ki
 ne. Hynrei ka jingbuaid niam ki kmie ki kpa
 jong ki ka pynlong ia ki ba kin shem shitom
 shem jynjar, kat hadut ba ki ia kynduh ia ki

jingeh ba ka jingim jong ki, kaba kim lah shuh ban kyrda ia la ka jong ka jingim.

Kane kein ka pynlong ia ngi ba ngi dei ban pyrkhat, kaei kane ka niam, hato kane ka niam kan pynpait pynpra ia ka jinglong tylli kawei jong ka jait bynriew jong ngi, kumba ka la pynpait pynpra ia ka jinglong tylli kawei jong ka ri India.

Kum ban phai dien khyndiat sha ki por ba la dep, myn ha kata ka por ialeh laitluid ka ri India. Ha ka 23 - 6 - 1947, ka bor batriem jong ka jabieng briew da ka jubor justi, ka la khleng noh ia i khun lung bym pat dar bnai na ka pla blei jong ka Punjab Legislative Assembly ha Lahore ban thlieh arliang wak ia ka Punjab ha ka kyr-teng jong ka Niam.

Shuh shuh ruh ngam lab khlem da kynmaw sha ka por jong ka saw ka sian kaba la jia ha ka 20-6-1947, ha kaba ki dkhot jong ka United Bengal Legislative Assembly, ha ka kyr-teng jong ka niam, ki la ia vote pyrshah ia jingneh tylli jong ka Bengal ban kha pat ia ka East Pakiskan (Bangladesh ba mynta) bad ia ka West Bengal.

Nga ngeit ba bun na pdeng jong phi ruh phim pat ia klet, ia ka jingiaumsnam kaba sngew shyrkhei kaba la bthei ha ka 6-12-1992 ha Ayodhya kaba da ki phew phew spah ngut ki mynsiem ba lui lui ki ia dun

ei ia la ka jingim, kaba la long tang na ka daw
ka jingkulmar kaba la mih namar ka jingia-
buaid niam hapdeng ki Hindu bad ki Muslim.

Nga sngewsih bad jaw ki ummat
ktbang ba ioh kane ka juh ka jingbuaid niam
kan thlieh ar liang ia ka jinglong tylli kawei
jong ka jait bynriew jong ngi. Kaba kham sngew
-sih shuh shuh ka long ba ka jait bynriew
jong ngi kaba tang shi troh bad kaba don bun
eh ki niam Khristan, hynrei phi kita kiba
khot ialade ki Khristan, phi iadait ia shrut
pynban para khristan. Katba haba peit nuksa
ia kiwei pat ki jait bynriew ki Hindu ki ia
tylli para Hindu bad ki Muslim ruh ki leh
kumjuh. Hynrei balei pat ia ka jait bynriew
jong ngi ka jia haduh katne, tang namar ka
jingiapher ka balang na ka juh ka niam kine
ar ngut ki hap ban ia thiah lang ha ka ka juh
thliew jingtep.

Lajar katta ngi duai bad kitbok kit
rwiang bad khmih lynti ba ka jingsuk kaba
neh ba skhem kan iai synshar synia sngi ia
ki long iing long sem jong kine baroh arliang.

Te to kein, shuwa ba ngin pynhiar
ia kine ki ar tylli ki met iap hapoh kane
ka dew met ba kyntang, to ngin ia duwai
ba u Blei trai kynrad ba un map ia ka lait
ka let jong ka jinglong briew bym la
biang ha jingim jong ki. Ngin ia duai ha la
marwei marwei katkum la ka jong ka jing-
shem phang da kaba sngap jar shiphang.

(Baroh dem shapoh bad sngap jar shiphang).

Tymmen: (Hadien shiphang) Lyngba ki jingduai ba jar jar jong ngi, to u Blei un phah da la u jong u Krad lynti, ba un mait un krad bad pynkhuid pynsuba ia ka lynti ia id ka jong ki ba kin poi sha duwar jong u khlem jynthut khlem jynmong bad kumjuh ruh un phah da la u jong u Syngkhong ba un pun un syngkhong ia ki wah rit wah bah ba kin lait ban kam sha shi liang khlem don jingeh, wat lada jia ba don ka um saw ka um sian kaba mut ban khang ia ka lynti ia id jong ki.

Lyngba kane ka jingduai jong ngi, to u Blei un phah ruh da la u jong u Kynrem u lyndam, u Syntai u bulot, u Sim pah u sim karo, u ban wan pynia tylli pat ia kane ka jait pynriew jong ngi, wat la ngi don ha la ki jingengeit niam ba pher ba pher, hynrei ba ngin ia icit bad ba ngin ia sngewthuh jingmut kum juh. Khamtam eh ia ki Khristan ba kin nym ia dait ia shrut shoh para Khristan.

Khatduh shuwa ba ngan pynkut, to ngin ia pusan bad pynshong jingmut bad buh ba lyngwar pykhat jong ka jingim jong ngi ba man ia ka ngi ia kin ki kyntien kbia

thew ba kin shon shap ha ka dohnud jong
ngi iwei pa iwei :

(U kren ia kine ki kyntien da kaba
khapprip ki khamat).

Nga u briew - uba la lot - khwan-
bishni - pihuin, uba kwah rhah - u bym ju
dap - uba tharai sniew - ia kiwei - uba khein-
dew thala - ia ka - jingngeit kiwei - uba kwah
ruh - ba kiwei - kin long - kham hapoh - ban
ia nga.

Da kaba pynhun - ia kane - ka jing-
kwah - nga u briew nga lah mo - ban pynjlan-
shi sngi - na ka rta - kaba nga dei - ban sah
ha ka pyrthei.

Lajar katta - nga u briew - nga wad-
tadg ia la - ka longsan.

KHUBLEI

Pastor : Lada don kino kino kiba dang sah-
nud bad kwah kren shuwa ba ngin
pynhiar noh ia kine ki met iap,
sngewbha ban wan sha khmat ban
ai jingkren khatduh bad lyngkot.

Kpa Johnson : (Tur sha khmat bad shuwa ban
kren u sei ki rumar bad niad
ki ummat, ; Nga nga ng
a ng a (u mut ban kren
hynrei thylliej um padiah, u jaw
ummat brup - brup - brup) Ma
.... p, m a p map (u kyih
thot thot kumba ioh khieshoh
rih, u ang ka shyntur ban kren
hynrei khih tang tang ka shyn-
tur, khlem ioh sngew aiu u
kren, kynsan u kyllon kram ha
madan.

Kmie Johnson : (Tur sha khmat ban kynrup
bad ban iapap ia u menkpa,
pynban ka ruh ka kyllon iap-
ler ha juh)

Kmie Bala : (Kaba iam pait dohnud ka kyllon
iapler hajuh).

Paidbah No 1 : Shim - shim - shim - shim kloi,
ki la iap, tan - tan - tan sharud,
ew ka pop aiu eh kata kum
kane.

**Paidbah No. 2,3,4 & 5 : Shim iarap bad tan sha-
rud bad pyntngen ia ki)**

**Phadar & Pastor : (Ki shu ia ieng kum ki bieij
khlem lait kren bad ki shu ia
peit lyngngoh bad peit seh
uwei ia uwei pat.**

HAP KA PYRDA.

LA KUT

**HALOR KA JINGUJOR
IA KA KHANATANG JONG
KA HIMA SOHRA**

HALOR KA JINGUJOR IA : KA KHANATANG JONG KA HIMA SOHRA

Ha ka jingsbisha ia kane ka jingujoria ka Khanatang jong ka Hima Sohra, nga la mut ban pynmih ha ka sien shon kaba bud jong katei ka juh hi ka kot. kumba nga la pynpaw ha ka shithi kaba Dt. 15. 9. '91 sha u Syiem Sohra. Hynrei namar ba don buu ban kiba kylli bad iai thlia ia nga halor ka jingshah uior ia katei ka Kot, kumba don na pdeng katto katne ngut ki bym wad bniah ia ka jingshisba, ki pynsngewthuh bakla ia kiwei pat da kaba ong ba ka dei ka Kot kaba be - ain Haduh ba don na pdeng ki Nongpyndie ki pynphai noh da kaba ki ngeit ia ka hamsaia, namar hana ba la khang ban die ia ka.

Te khnang ba ki paidbah bad phi ki nongpule baieit phin nym shah ialam bakla. Nga shim da kane ka lad ka lynti ban pynmih pyrthei ia kitei ki ujur u Sviem Sohra ryngkat lang bad ki jubab jingthoh jong nga khnang ba phin ioh ban bisbar bad; ai ka rai da lade ha lade hi, ka jongno kaba dei bad ka jongno pat kata lait. Nga te tang kane kawei nga don ban ong : Nga pdiang sngewbha ia kano kano ka jingai jingmut, na ka bynta ban pynbha ia katei ka Kot Hynrei ia kano kano ka jingujor ne ka jingdawa ban weng noh ia katei ka kot khlem da lah ban ai ki daw bad ki nongrim kiba biang, lano lano ruh kan nym long kaba lah ban pdiang.

(ii)

Lajar katta nga pyopaw ia ka jingsngew
nguh ia u Syiem Sohra bad ka Dürbar jong
u, kiba la pynlut ia por ba kordor jong ki
ban shim khia bad ban pule bniah ia katei
ka Kot jong nga, 'Ka Khanatang Jong ka
Hima Sohra'.

Khublei shibun.

Nongthoh.

**OFFICE OF THE SYIEM OF SOHRA
SOHRA SYIEMSHIP**

NO. SS/D-i/Durbar/97/42.

Dated : The 22nd January 1997,

Ha,

**U B. V. Rymmai,
Pdengshnong,
Sohra.**

**Subject : KA JINGUJOR IA KA KOT JONG
PHI "KA KHANATANG JONG KA
HIMA SOHRA" BAD KA JING-
DAWA BA DEI BAN WENG NOH
IA KI BYNTA BA KTAH MATIONG
IA KI SHNONG KI THAW BAD
IA KA HIMA KATKUM KI JING-
KDEW HARUM :-**

Rangbah;

**Ka Dorbar jongnga U Syiem ka la
ioh ki ujorna ki riw rangbah bad khlieh
nongsynshar hapoh ka Hima pyrshah ia ka kot
jongphi "Ka Khanatang jong ka Hima Sohra".
Halor kine ki jingujor ka Durbar jongnga U
Syiem ka la' pule bniah la katei ka kot jong
phi bad ka shem kumne.**

**Ka jingthoh ha ka kot jongphi ba la kdew
haneng ka ialam bakla ia ki Riti ki Dustur
kiba la ju don bad ba la pyntrei kam kum**

ki nongrim ka Hima naduh mynbarim. Ki jingthoh ki tyllap ia ki jingshisha kiba ia ia id beit ia id ryntih junom. Ki ktah matlong ban kynnoh kynta ia ki dong ne ki shnong hapoh ka Hima. Nalor kata ki jingthoh jong phi ha katei ka kot ki falam sha ka ban pynpait pynpra ia ki Riti ki Dustur, ki rukom synshar bishar hapoh ka Hima Bun na ki jingthoh ha katei ka kot ki long kiba ia shu thoh ruma khlem da wad bniah satia ia ki jingshisha.

Namar kata, ka Durbar jongnga U Syiem ka dawa ban weng noh (Delete) na katei ka kot jong phi "Ka Khanatang jong ka Hima Sohra" ia kine ki bynta harum:

1. Page 8 (ii) kynthup ia ka Page 9, 10 haduh 11 para I.
2. Page 22 Para II kynthup ia ka Page 23 haduh bakut ka Page 24.
3. Page 25 haduh Page 30.
4. Page 34 2nd Para bad Page 36.
5. Page 38 Page 39 bad Page 40.
6. Page 53 kynthup ia ka Page 54, 55, 56, 57 haduh 60 (Ka lynnong baroh kawei ka jingkut ka Hima Maw-smai Hima Sohra

8. Page 71 haduh Page 73 Para I.
9. Ka Lain kaba khadduh Page 74 bad Para I Page 75.
10. Page 103 Para III (Khadwei lain)
11. Page 154 Para II haduh Page 155 Para I.
12. Page 161 Para II Page 162 haduh Page 163 Para II.
13. Page 209 haduh ka Page 214 baroh kawei ka lynnong XIV.
14. Page 219 Para II bad Page 220 Para I bad Page 221 Para II

Halor kine ba la kdew haneng la dawa
 ba phi dei ban weng noh shisyndon na katei
 ka kot jong phi bad ka Dorbar jong nga U
 Syiem ka pynbna iar ba kam pdiang ia
 kitei ki jingthoh bym shisha jongphi.

(Seal)

Sd/
 SYIEM OF SOHRA

Copy sha :-

- | | |
|--|---------------------------------|
| 1. President/Secretary;
Khasi Authors Association,
Shillong. | ben tip
bad ban |
| 2. Mr. (Dr) B. L. Swer
Head Department
Khasi, North Eastern
Hills, University,
Shillong. 14. | sngewbha
ban nym
ithuh ia |
| 3. Deputy Inspector of
School, East Khasi
Hills, Shillong. | katei |
| 4. Mrs. Margaret Shal-
lam, Centre Art of
Culture, C/O, State
Central Library,
Shillong. | ka
kot. |
| 5. President,
Catholic Authors
Guild, Laitumkbrah
Cathedral Parish.
Shillong - 3 | |
| 6. The Librarian,
State Central Library,
Shillong. | |

7. The Librarian.
North Eastern Hills
University,
Shillong - 14
8. The Secretary, Exe-
cutive Committee
Khasi Hill Autono-
mous District Council
Shillong.

SYIEM OF SOHRA :

Dated. The 12th April 1997.

Na,

U B. V. Rymmai,
Nongthoh 'Ka Khanatang jong ka Hima
Sohra'.

Sha, U Syiem Sohra,
Hima Sohra.

Sub : Ka jingujor ia ka Kot 'Ka Khanatang
jong ka Hima Sohra.

Ref :- Ka Shithi jong phi kaba No. SS/D—i/
Durbar/97/42 dated 22 - 1 - 1997

Ba don burom,

Halor katei ka subject bad ka shithi
ba la kdew haneng, nga pynpaw ia ka jing-
kmen kaba khraw bad ka jingsngewnguh bym
lah buhdor shuh ia phi bad ia ka Durbar
jong phi, ba phi la pynlut por bad shim kbia
ban pule bad pynshongbniah ia katei ka Kot
jong nga "Ka Khanatang jong ka Hima Sohra".
Katei ka shithi jong phi ka la pynhun ia ka
jingangnud bad ka jingthrang jong nga, kumba
nga la pynpaw lypa ha ka lamphrang jong
nga, "Shikyntien na u Nongthoh", page xii
last para.

Ba don burom, shuwa ba ngan sdang
ban thoh ia katei ka kot, da ki snem

nga dem pykhat bad da ki anem nga la wad
bniah ia ki tynrai jingtip baroh kiba iadei
shaphang ka Hima Sohra, katba shong ka bor
barit jong nga, nga khlem shu thoh ruma khlem
da wad bniah ia ki jingshisha kumba phi la
kynnoh.

Namar kata, halor kitei ki jingdawa
jong phi ba ngan weng nob (delete) ia ki katto
katne ki bynta ba phi la kdew nga don ban
pyni bad pynshai ia kine ki jingshisha harum:-

1. Page 8 (iii) kynthup page 9,10 & 11 para I :-

Ha katei ka page bad lynnnong ka
kren shaphang ka jingsdang jong ka Iew Um-
leng, ka jingmih ka kyrteng Noia Basti, ka
jingmih jong ka Iew Rangjyrteh & Iew Sohra.

Katei ka Iew Umleng kam dei kaba
nga shu thaw hi,

Peit ruh Ka Kot ka Niam u Khasi da u Dr.
H. Lyngdoh page 211 Last para. Ka
don ka kyrteng jong ka Iew Umleng
bad shaphang ka Iew Rangjyrteh
peit na ka Kot Khubor "U Sainpyn-
iar" kaba Vol. I No. 16 Nailur 1983
(Heading : 'Ki Khana Parom ka Hi-
ma Sohra', da u L. S. Nongrum).

Shaphang ka Noya Basti, nga ngeit ba
phi la tip hi ba ia kawei ka kyntoit shnong ka
ba don ha Saitsohpen la khot ka 'Noia', ia
kaba mynta la tip kum ka 'Mawpunkyrtiang'.

2. Page 22 Para - II Lynthup page 23 - 24 :-

Ha kane ka lynnong ka kren shaphang ka Thma Umtynghiang kaba :-

Ha kaba iadei bad kane nga don ban ong, ba ka jaka ba la khot haduh mynta ka 'Khlieh Shyllangiong', ka ba don ha Raid Mawshnit bad u Mawkhlieh ba la pynshongthait ia ka Khlieh u 'Shyllangiong' uba don ha Rangnei, ha ka Raid Rymmai, ki feng kum ki sakhi ba im haduh mynta shaphang ka jingdon kane ka thma ha ka por mynshuwa. Bun ruh ki riew tymmen bad ki riew tip tymmen kiba ju iathuh khana pateng ha ngi ki longdien longbud shaphang kane ka thma.

3. Page 25 haduh 30 :-

Ha kane ka lynnong la thoh shaphang ka Thymmei jong ka jait Syiem Sohra.

Ia kane nga la pynshong nongrim na ka Thymmei ki Tymmen bad ki Nongthoh —

pule :- Ka kot 'Ki Syiem Khasi Synteng' da a. Dr. H. (Lyngdoh, (Lynnong VII : Ki Syiem Sohra).

Page 115, Para I : la thoh shai, "..... Saw ngut shi para, U Buhsing, U Sadang, ka Shan bad Jah, ki la wan phet wir sha Swer na shaphang Sumer (Synteng)"

Page 116 para I line 8 - 10, la thoh : "Nang-ta ka Durbar Raid ka la tang jaid Lyngdoh ia kitei baroh shipara bad ka la thung Lyngdoh de ia u hynmen Rangbah jong ki"

Page 117 para I - Line 15 -19 : - "Bad ynda ki la joh ia ka jingmynjur bad ia ka jingkular U Khadarshnong ba un nym iehnoh ia ki, U Basan Swer bad ki jong u Buhsing, ki la mih na Swer bad ki la leit sha Lyndiang"

Page 118 para - I Line 12 - 16 :- "Hadien kata, ki 12 Kur" (12 shnong) "ki seng ia ka Hima kaba ki kbot mynta ka Hima Sohra, ki Tang jaid Syiem ia u Buhsing Lyngdoh bad ia ki para ki pyrsa jong u, ba kiu long jaid Syiem ka ban synshar ia kane ka Hima."

Lada kitei ki jingthoh jong u Dr. H. Lyngdoh kim long kiba shisha, sngewbha ban pyni nia.

4. Page 34 2nd para & page 35 :

Page 34 Para II :- Hangne ka kren shaphang ka jingkyndriah jaka jong u Buh-sing Lyngdoh na Mawmang bad leit buhai shnong sha Sohrarim, ha kaba nang-u la shah beh thong ha u Syiem Laitlyngka.

Ha kaba iadei bad kane rnh sngewbha pule ia ka kot ki Syiem Khasi Synteng (Dr H. Lyngdoh).

Page 117 Line 20 — 25 :- “Hangne ki la pyrshang ban buhai shnong hynrei, haba u Syiem Laitlyngka, u Syiemlieh (Nong-khlaw), u la iohsngew ia kane, u la wan hiar thma bad u la beh ia ki nangta. Nangne ki phet sha Nongsteng bad U Kha bad Ka Phlaw Nongsteng, ki la pynrieh ia ki bad ki bsa ia ki da ki snep soh kwit....”

Page 36 para II :- Ka kren shaphang ka jing-thied ia ka Sohrarim da u Syiem Nongkhlaw.

Peit Ki Syiem Khasi Synteng (Dr. H Lyngdoh) Lynnong VIII (Ki Syiem Nongkhlaw):

Page 147 para II Line 5 - 8 - La thoh shai :-
.....U la thied ia ka Sohrarim bad ia ka Mawmluh na ki Nongkyndriah bad u la pynkohnguh sngewbha ia ki nongshong shnong baroh ba kin long ki khun ki Hajar jong ka Hima Nongkhlaw”.

5. Page 38 - 40 :- Ka kren shaphang ka thma hapteng u 16 shnong (Mawphu) bad u 3 shnong (Ryngud, Sohbar & Laitiam) ba ki la ialeh ha Pomsahmen bad Siatudei. Bad nangta ka jinghiar u Buhsing Lyngdoh na Kyntursniang ha Nonglba.

Peit - 'Ki Syiem Rhasi Synteng' (Dr. H. Lyngdoh).

Page 120 para I baroh kawei :- "Ha ka por u Syiem Buhsing, ka la don ka jingialeh thma kaba jur hapteng ki 16 shnong (Mawphu) bad ki 3 shnong (Sohbar, Laitiam bad Ryngud
 Hadien kata, u Buhsing tymmen bad u 12 Kur ynda ki la iateh jutang bad kitei ki Raid, ki hiar na Kyntursniang ha Nonglba Nangta ki Mawphu, ki Laitiam bad ki Ryngud ki sa wan iasoh bad ki sa long ki khun ki hajar u Syiem Buhsing."

Wat u Fr. H. Elias ruh ha ka kot Poetry jongu ka 'Hamsaia ki Por' u rwai kumne :-

"Ka Pomsahmen ka Pomudei,

Kin sah kyrteng ha khmat Pyrthei".

Kine hi ki pynshisha ia ka jingdon katei ka thma.

6. Page 53 - 60 :- La thoh shaphang ka Jingkut ka Hima Mawsmal bad ka jingwandur biang ka Hima Sobra :

Ref'n :- 'Ki Syiem Khasi bad Synteng'. (Dr. H. Lyngdoh).

Page 139 : Pule bniah para - II "U Syiem: Buh u leit shongkha ia ka jaid Nongtraw, kaba ki paidbah ki ngeit ba ka dei na ka jaid ri thlen"

Shaphang ka thma Umtynghiang kaba II bad ka khlieh U Jon - Um - eit :-

Shaphang ka jingdon kane ka thma bad ka khlieh u Jon - Um - eit, Peit ha ka 'Ki Khana parom jong ka Hima Sobra' ba la thoh da u L. S. Nongrum, ia kaba u la pynmih ha ka Kot Khubor 'U Sainpyniar' Vol. I No. 16 Nailur 1983, la thoh shai kumne :-

Page 2, Column 4, Para - IV :- Ha kata ka por la don u wei u brieu uba na 16 shnong, uba. Rangbah tam eh, uba. Rangbah ruh ha ka nia, ha ka Niam bad ka jingiapom. Ka kyrteng jong u ka long U Jon - Um - eit. Kumta haba ki la ioh ia une ki sa jop ia ka thma ki da wan rah ruh ia ka khlieh jong u"

Ha kaba kut jong kane ka Khana la thoh :-

"Kumta la buh haduh mynta ia ka Khlieh U Jon - Um - eit ha phyllaw u Duwansing Syiem. Ban kynmaw ia ka khlieh u Jon - Um - eit ki la sieb da u maw kum ka sakhi"

Shaphang ka jtingdon ka iew Rangjyrteh, sngewbha pule ia katei ka juh ka parom:-

Page 2, Column 3, para - 5, la thoh shai "Hadien kata u Duwansing u la leit iew sha Rangjyrteh sha jan Mawphu kaba ki ioh hi ki khun ka Jahlyngksiar", (Mawphu) "Ym don jingiakren eiei hynrei ki 16 shnong ki kem ia u"

8. Page 71 - 73 :-

Ha kaba iadei bad kane:-

Peit na katei ka juh ka Parom jong u L. S. Nongrum *bteng na Column 3, para-5* :-
"..... Ynda kumta ki set patok ia u shalor Phaniaw"

Column 4, para 3 :- "Na Swer u shonrai Nongrum u la wallam ia ki niam ia-pom 30 jaid, la wan baroh 5 Kur bad 3 Basan na 12 shnong"

Column 4, Para - 2 :- "Kumta kine ki la wad lok na Nongsteng, Wahlong, Ryngud, 3 shnong, Sohra"

'Column 4, para - 5 : "Ynda u la ker ia
Line - 8 ;- ka kut ki la leit baroh
 25 shnong. Kane ka kut
 ka don ha Ryngngi
 Mawsaw....."

Ha jan ba kut kane ka Parom la
 thoh shai :-

"Kumta kine ki 25 shnong ki
 kylli ia ki Mawphu (16 shnong ioh ki kylla,
 hynrei ki la smai haduh ka niam ban ym
 kylla snuh".

Shuh shuh ruh peit 'Ki Syiem Khasi
 Synteng' (Dr. H. Lyngdoh).

Page 154 para 1 Line 2 - 3 ; "Hynrei,
 hadien, ki Sohra, ki la pyndem ia
 ki bad ki sa khot artad ia kane ka
 Raid, 'U Khun Kliar Wait'".

9. Lain kaba khatduh page 74 & para 1 page 75:-

Hangne la thoh shaphang ka jingai
 jaka u Syiem Duwansing, sha ka Sor-
 kar Phareng da ka jingiasngewthuh
 jingmut lang bad ka Raid Mawshuit,
 12 - Shnong kum ka Trai Hima.

Kane ka long ka jingshisha bym lah
 ban len :

Pule : Ka jingthoh u Rangbah Dr. B. L. Swer,
 "Ka Sohra ha ka Poetry" ba I la pyn-

mih ha ka Kot Khubor 'U Sainpyniar, July, 1983. la thoh shai :-

"Katkum ka History, ki 12 Kur, jong ki 12 shnong, ki long ki nongseng nongsdang ia ka Hima Sohra".

Pule :- Ka jingthoh jong u L. S. Nongrum, Ki Khana Parom ka Hima Sohra", ba la pynmih ha ka Kot Khubor 'U Sainpyniar' Vol. I. No. 16, la thoh shai :-

"U Dem jait Dkhar uba na 12 shnong u Trai jong ka Hima Sohra".

Pule :- Ka jingthoh I Rangbah G. L. Chyne, "U Khun Phrangsngi ka Hima Sohra", ba I la pynmih ha ka Kot khubor 'U Sainpyniar', I la thoh :-

"Dei na kitei haneng ba sa mih ki kyntien na u Sujai Dkhar, Mawshuit ba u ong : 'U 7 kyndang u 12 shnong ka Skei u Dem,' ban thew ba ka Hima Sohra ka dei ka jong u 12 shnong, U Khun Phrangsngi ka Hima Sohra".

Pule ruh :- Ka Kot "Ki Syiem Khasi Synteng", ba la thoh da u Dr. H. Lyngdoh, page 118 line 6 - 9 la thoh shai -

"..... Nangta ki 12 shnong ki jied 12 Kur (Myntri) na ki 12 jait bakhraw kiba don ha ka Raid jong ki....."

Pule ruh 'Ka kot "Ka Niam U 'Khasi"
(Dr. H. Lyngdoh) page 211 last para :-

"Ki 12 shnong ki 'long ki trai jong
ka Iew Sohra kaba ki khot ruh ka
Iew Umleng".

Ki 12 Sordar jong ka Raid 12 shnong
ki don bynta ruh ha ka jingiasoi iasin
ryngkat lang bad u Subasing, ha kaba iadei
bad ka jingpynskhem jong u ia ka jingai
jong u Syiem Duwansing ia katei ka jaka
(Saitsohpen) sha u Daivid Scott.

Peit W. J. Allen's Report page XV Ap-
pendix No. 4 B

Lada phi ong ba katei ka jingthoh
jong nga ka long ka bym shisha aiu phi
don ban ong halor kitei kiwei pat ?

10. Page 103 para III II line : Ka kren sha-
phang ka jingshab kyntait u Chundra-
sing ban long Syiem namar ka iing jong
u ka long kaba la iap duh :-

Peit :- Herbert's Report, page 20 para iii
line 4-6 la thoh shai kumne :-

"U Chundrasing, was disqualified
according to the Khasi religion, as his
branch of the family was 'lapduh',
i. e. all the females were dead, and
the family was, therefore, considered
extinct".

11. Page 154 para II —Page 155 para I : -

Kane ka long katkum ka shithi jong ka Iartimai Syiemsad kaba dated 24. 10. 1992, kaba ka la phah sha u E. M. In-charge Elaka KHADC;

12. Page 161 para II —Page 163 para II :-

Ia kane nga la pynshong nongrim katkum ka mukotduma ba la jaleh hapdeng ka Iartimai Syiemsad, bad u Freemansing Syiem, Syiem Sohra. Pule ia ka rai jong ka jingialang 24. 10. 1992 bad ia ka shithi jong ka Iartimai Syiemsad, ba la phah sha u E. M. l/c Elaka K. H. A. D. C.

13. Page 209 - 214 (Ka Riti Dustur jong ka Raid Khadarshnong) :

Kane ka long katkum ki kot ki sla (Record) kiba shai bad kiba shisha, ia kaba phi u Syiem ruh phi tip kham bha halor kane tang ba phi shu kwah ban tyллеp ia ki jingshisha.

14. Page 219 para II & Page 220 para I & Page 221 Para II :-

Kane ka long katkum ka tyarai jing-tip barim bajah (Historical fact). Ha kaba bun bah ki riew tymmen bad ki riew tip tymmen ki tip bad ki isthuh khana pateng pakit ha ngi ki longdien longbud haduh mynta.

Kitei ba nga la kdew haneng ki dei tang ki mat (Points) kiba nga la sot na ki thymmei lum jingtip jong nga, ba phin dup tip ba ym dei ba nga shu thoh ru-ma khlem da wad bniah ia ki jingshisha kumba phi la kynnoh. Bad balor kitei ki jingshisha ngam i don daw ban ia kubur lem bad phi lymne ban mynjur ia katei ka jingdawa jong phi. Ka jingkwah jong-nga na phi ki nongpule ka long ba phin ia ai jingmut bad pyni nia lem bad ban ia tei, hynrei ym pat ba phin dain dong. Kumta halor kitei ki jingshisha ba nga la kdew bad pynshai haneng nga kyrpad ia phi ba phiu sngewbha ban weng noh ia katei ka shithi jong phi kaba phi la kynnoh pyrshah ia katei ka Kot jobg-nga "Ka Khanatang jong ka Hima Sohra"

Hynrei kum u Syiem phi ong ba katei ka kot ka ktah ia ka Riti Dustur, ka rukom synshar bishar jong phi hapoh ka Hima, kumba phi ong ba la pyntrei kam kum ki nongrim ka Hima naduh mynbarim bad kiba ia id beit ia id ryntih junom. Kane ka jingong jong phi ka long ka bym shisha. Namar katkum ka thymmei jingtip ba nga la lum nga shem ba ki briew baroh sawdong sawkun jong ka Ri Khasi-Pnar ki la tip lut ba ka Hima Sohra kumba ka long mynta, kam dei shuh ka Hima kaba dang bat ia la ka Riti Dustur. Lymne wat u Syiem hi ruh um shym la long shuh u Syiem uba da jied da thung, katkum ka riti Duster ba la buh la seng da u Longshuwa Manshuwa.

Ba don burom, bishar bad pynshong jing-mut ia kine ki kyntien khia thew jong u Rangbah Dr H. Lyngdoh kiba u la thoh ha ki "Tien-shuwa" jong ka kot jong u, "Ki Syiem Khasi Synteng":-

"Nga iohi rngiew ba ia ka khana - Pateng shaphang ki Khasi ki Synteng la buh rieh jylliew hapoh ki Niam ki rukom tip briew tip blei jong ki bad hapoh ki lum ki wah bad ki dieng ki maw kiba ha kine ki lum. Namar kata nga don ka jingkyrmeu kaba khraw ba, lada don kiba wad bad tih ia ki, ka sngi kan poi ba ka hyndai jong u khun Khasi Khara kan paw tyongkrein ha ki kot ki sla".

Bad ha sngap pat kumno u Myllung Soso Tham u rwai ha ka kot Poetry ba pawnam jong u kaba kyrteing "Ki Sngi barim u Hyn-niew trep".

"Jingshai ngi wad sawdong pyrthei,
Jingshai ka Ri ngim khein ei ei;
Kumno hyndai ki Kni ki Kpa,
Ki sain pyrthei ki seng hima."

Da kine kiba nga la sot haneng, nga mut ban ong bad ban kyrpad ia phi ba phin sngewbha ban nym long kum kato ka khana ba la thoh da u Rangbah Soso Tham ha ka

.kot jong u "Ki Phawer U Aesop" Lynnong
96, page 63, (15th Edition).

Khablei

Ba burom ia phi,

Sd/-
(B. V. Rymmai)

Copy sha :-

1. The Secretary,
Khasi Author Society
Shillong.
2. The Secretary,
Catholic Author Guild,
Cathedral Parish
Laitumkbrah Shillong.
3. Mr. (Dr.) B. L. Swer,
Head Department Khasi
North Eastern Hill
University Shillong.

Ban tip bad la
kyrpad ba phin
sngewbha ban
pynlong ka jing-
bishar bniah lem
ia katei ka kot
jong nga.

Sd/-
(B. V. Rymmai)
Nongthoh

Ka Khanatang jong ka Hima Sohra

Ha

**U Syiem Sphra,
Hima Sohra.**

**Subject :- Ka jingujor ia ka Kot 'Ka Khanatang
Jong ka Hima Sohra'**

**Ref'n :- i) Ka Shithi jong phi kaba No. SS/D-i
Durbar/97/42 Dated : The 22nd Janua-
ry 1997.**

**ii) Ka Shithi jong nga kaba Dated :
The 12th April 1997**

Ba don burom,

**Halor katei ka subject bad ki
shithi ba la kdew haneng. Sa shisien pat
nga kyrpad ia ka burom jong phi, ba phin
sngewbha ban weng noh ia katei ka shithi
jong phi kaba phi la uxor pyrshah khlem
nongrim ia katei ka Kot jong nga. 'KA KHA-
NATANG JONG KA HIMA SOHRA'. Hyn-
rei lada phi ong pat ba katei ka jingujor jong
phi ka long kaba shong hok shong nongrim
katkum ka jingtip bad katkum ka jingshem-
phang jong phi, nga kyrpad ba phin sngewbha
ban pyni nia bad ai jingpynshai lem halor
kita ki jingshisha ba phi shem. Khnang ba
ngin nym ialam bakla ia la ka jaid bynriew
bad khamtam eh ia ki pateng ban dang wan.**

Khublei

Ba burom ia phi,

Sd/-

(B. V. Rymmai)

**Dated : The 13th May 1997 Nongthoh
Pdengshnong - Sohra, Ka Khanatang jong ka
 Hima Sohra.**

Copy sha :-

1. The Secretary,
Khasi Author Society,
Shillong.
2. The Secretary,
Catholic Author Guild,
Cathedral Parish,
Laitumkhrah Shillong
3. Mr. (Dr.) B. L. Swer,
Head Department Khasi,
North Eastern Hill
University, Shillong.

Ban tip.

Received
15/5/97
Syiem

Sd/
13/5/97
(B. V. Rymmai)

Received
16/9/97
Syiem

Ha

U Syiem Sohra,
Hima Sohra.

Subject :- Ka jingujor jong phi ia ka kot jong
nga: "Ka Khanatang jong ka Hima
Sohra".

Ref'n :- i) Ka Shithi Ujor jong phi kaba No:
SS/D - i/Durbar/97/42
Dated : The 22nd January 1997.

ii) Ka Jubab jingthoh jong nga kaba
Dated : The 12th April 1997.

iii) Ka jubab jingthoh jong nga kaba
Dated : The 13th May 1997.

Ba don burom,

Kum u Syiem, phi la dei ban
don ka jingkitkblich, hapa phi pynmih ia
kano kano ka jingthoh; hynrei kaba sngew-
sih ka long, ba ha kaba iadei bad katei ka
subject bad ki shithi ba la kdew haneng, phi
la shu sngap mynthi, khlem da ai kano kano
ka jingpynshai wat la na ka liang jong nga, nga
nga la dep ai jubab bad pan jingpynshai
na phi ar sien. Namar kata da kane
nga dawa na phi ba phin sngewbha ban
weng noh lymne ai ki jingpynshai ia ka-
tei ka jingkynnoh pyrshah jong phi ia katei
ka kot jong nga, hapoh ka 30 (laiphew) sngi

naduh ba phi la ioh pdiang ia kane ka shithi.
 Lymkumta, ngan shim bad pynbna paidbah
 ba kitei ki jingkyonoh jong phi, ki long kiba
 phi shu jler nangang.

Ha ka juh ka por, lada phi
 sngap jar bad phim lah ban ai jubab hapoh
 katei ka por ba la buh, ngan shim ba phi
 la pdiang ia katei ka jingthoh jong nga bad
 ba phi la kyntait ne weng noh ia katei ka shithi
 Ujor jong phi. Bad kaba kut kan long ba
 katei ka shithi Ujor jong phi ryngkat lang
 bad ki jubab jingthoh jong nga, kin sa long
 sa kawei pat ka lynnong ha katei ka
 kot jong nga, ba ka sien shon kaba bud.
 Bad hangta kein pateng la pateng ki briew
 kin sa tip ia ka dor bashisha jong phi.

Khublei Shibun,

Ba burom ia phi,

Sd/

(Mr. B. V. Rymmai)

Nongthoh

Ka Khanatang jong ka Hima Sohra.

Dated : Pdengshnong - Sohra

The ; 15th September 1997.

Copy sha :-

1. The Secretary,
Khasi Author Society,
Shillong.
2. The Secretary,
Catholic Author Guild
Cathedral Parish,
Laitumkhrach Shillong.
3. Mr. (Dr) B. L. Swer,
Head Department Khasi,
North Eastern Hill
University, Shillong.

Ban tip bad la
kyrpad ba phin
sngewbha ban
pynlong ka jing-
bishar bniah lem
ja katei ka kot
jong nga, katkum
katei ka subject
bad ki shithi ba
la kdew haneng.

Khublei shibun.

Sd/-
(Mr. B. V. Rymmai)

OFFICE OF THE SYIEM OF SOHRA :
SOHRA SYIEMSHIP.

PUR. No. SS/D - i/Durbar/97/347.

Dated : The 27th October 1997

Ha,

U Mr. B. V. Rymmai,
Pdengshnong, Sohra.

Rangbah,

Ka Dorbar jong nga U Syiem ka la pule bniah ia ka kot jong phi kaba phi ai kyrteng "Ka Khanatang jong ka Hima Sohra" Kumba nga la kdew ha ki shithi kiba mynshuwa.

Katei ka kot jong phi ba la kdew ka ialam bakla bad pynbakla ia ki riti ki Duster ka khrong ka dan, ka bishar synshar ka Hima Sohra kaba la ju don bad la ju leh bad ruh ba la ju tip bad pyndonkam naduh barim. Ka Dorbar jong nga U Syiem ka kdew tang katto katne ki jingbymshisha ba ialam bakla. Kane kaba phi jer ka Khanatang Ka Hima Sohra tang ban shu pyni nuksa nalog kiba bun bah ki jingbakla bad jingbymshisha kiba don ha ka kot jongphi kumne harum :-

(1) Ka jingkdew ha ka kot jongphi ia ka lew Umleng ne ia ka lew Sohra ba la seng tang da u 12 shnong bad ba u 12 shnong dei tang ma u u trai ka Hima Soh-

ra ka long ka bym shisha kaba ialam bakla ia ki riti dustur, ka khrong ka dan bad ka bishar synshar ka Hima Sohra.

(2) Ka jingthoh Khanatang jong phi ha kaba iadei bad u Nongsteng, u Mawphu 16 shnong ki long kiba bakla bad ki bym shisha. Ka Office jong nga U Syiem ka la ioh ia ka jingujor kaba iadei bad kine ki jingkynthon jong phi na ki khlieh nongsynshar jong kine ki jaka. Phi pynshong nongrim ia kane kaba phi khot ha ka Khanatang ia ka Pomsahmen ba phi ong "Sahmen" ka dei ka ktien Laitiam kaba mut marwei ne uwei. Ka ktien Laitiam kam ju ong 'Sahmen' ia uwei ne marwei ka ong "Weimet". Sahmen ka dei ka ktien Mawphu. Ha ka thma u Mawphu 16 shnong bad u Lai shnong san shnong u Nongialam ki Mawphu 16 shnong dei u Jon Laitmiet na Umeit. U iaid marwei na ka lynti ba shaneng ban phai sha shnong; u shah pyniap marwei ha ka jaka ba ki Mawphu ki jer ka Pomsahmen Pomarwei. Dei haduh mynta ka ne ka kyrteng ka neh. Namarkata ki theory ne jingmutdur jong phi ha baroh ka kot kaba iadei bad ki Mawphu 16 shnong ne u Jon Laitmiet ki long ki bymshisha.

(3) Ka thma hapdeng u Syiem Buh Singh ka Hima Sohra bad u Syiem Laitlyngka ka Hima Khadsawphra ka long ka bymshisha. U Syiem Buh Singh ka Hima Sohra u la long bun snem shuwa ia u Syiem Laitlyngka. Dei badien ka jingpyniap ia U Syiem Laitlyngka ba ka jaid Kharngapkynta ka ioh long Myntri kaba long

ka jingjia kaba hadien bah ia ka jingsdang
ka Hima Sohra.

(4) Ka theory jong ka lewrangjyrteh
ka long kaba bakla kaba marpyrshah (Self
Contradictory) ia ka theory jongphi hi ka ka
page 56 bad 73 jong kane ka kot.

5. Phi thoh ha kane ka kot jong
phi ba ka Marajkaphon ka long ka jaka shong
ki 'Khilainuid' bad ka Khliehshnong ka long
ka jaka shong ki wanwir warhap. Kine ki
jingthoh jongphi ki long ki bymshisha bad ki
la pynmong ia ka jingsngew jong kine ki
Dong bad ki la ai ki jingujor sha kane ka
office ia ka jingthohbein jongphi.

6. Ka Theory jongphi ha kane ka
kot ia ka Noiabasti ka long kaba bakla Kane
ka shnong ka dei ka shnong Mawpunkyrting
ba la jer naduh shuwa ka jingwan ki Pha-
reng. Ka Noiabasti ka dei ka ktien sin ki
dkhar ba trej bad ka Sorkar Phareng.
ha ka por ba ka Sor ka dang long hangne
ha Sohra.

7. Ka long ka bymshisha bad ba ia-
lam bakla ban thoh ha kane ka kot ba ka
don ka jinglateh kular hapdeng ki jaid Syiem
bad ki 12 shnong kiba long ki riti dustur ka
Hima kumba phi kam. Ym don dulir ne
doskot ne jingbyntreikam ba la ju don ha
ka Hima ban kyrshan ia kane ka jingong.

8. Ka jingbuh nongrim ne jer Dorbar Hima ia ka jingialang ba la khot da ka Syiemsad Iartimai ha ka 24. 10. 92 ka long kaba be - ain be - riti ia ka Hima Sohra. Ka Syiemsad ne kano kano ka kynthei kam dei bad bit satia dan pynlong ne khot dorbar katkum ka riti ka Hima.

9. Phi kren lamler ban thoh ha kane ka kot jongphi ban ong ba ka Dorbar Hima kaba la long ha ka 19. 11. 94 ka la pynkylla rukom thung bed jied Syiem ha ka Hima. Ha kane Dorbar Hima katkum ki riti la wanrah da u wei u riew rangbah ia ka Notice of motion ka ban kham pynbha ia ka riti dustur kaba iadei bad kane ka phang. Ka Dorbar Hima ka pdiang ia ka Notice of motion ban sa ia kren pat ha kawei ka Dorbar ryngkat da kaba phah ia kane ka Notice haman la ki shnong bad ki shnat ban ai jingmut.

10. Phi thoh ha kane ka kot ba U Syiem Freeman Singh u long uba shida bad khuid mynsiem bad ka jingshida than ka la pynlong ia kiwei ban shim kabu ha ka rukom synshar khadar bad rukom pyniaid kam hapoh ka Hima. Ka long ka bymshisha bad ba niew bein ia ka Executive Dorbar bad Dorbar Hima ka Hima Sohra.

11. Ka jingthoh bniah ia ki jingkynnoh ka jingialang ne DORBAR ka Syiemsad kaba la long ha ka 24 10. 92 pyrshah ia U

Syiem Freeman Singh ban long ka dular ha kane ka kot ka long kaba ktah mationg ia U Syiem bad ka Hima. Ha ka page 159 jong kane ka kot phi thoh ba "la thungbiang ia U Freeman Singh ban long U Syiem ka Hima Sohra da ka Hukum ka District Council 30. 9. 94 hadien ba ka la khmih bniah bad pyrkhath sani ba kam long ka sabut kaba biang halor ki jingkynnoh". Lada kim long ki jingkynnoh kiba shisha katkum ba phi la thoh bad raj da ka Khasi Hills Autonomous District Council balei pat phi buh bniah ia kita ki jingkynnoh. Kane ka jingthoh ka long kaba be - aio.

Kumba la kdew haneng ka Dorbar jongnga U Syiem ka shem ba kane ka kot jongphi kam dei bad bit satia ban khot ia ka Ka Khanatang ka Hima Sohra. Kine ki jait jingthoh ki pynmih ia ka jingiapait ia pra bad jingia sngewpher hapoh ka Hima. Kumta ka Dorbar jong nga U Syiem ka bthah iaphi ba phin weng noh ia kane kot.

Seal
27/10/97

Sd/
SYIEM OF SOHRA

Copy sha :-

- | | |
|---|---------|
| 1. Secretary,
Khasi Author Society
Shillong. | |
| 2. Secretary,
Catholic Author Guild
Cathedral Parish,
Laitumkhrah, Shillong. | ban tip |
| 3. Dr. B. L. Swer,
Head Department Khasi
North Eastern Hills
University, Shillong. | |

SYIEM OF SOHRA

Ha

**U Syiem Sohra,
Hima Sohra.**

**Subject : Ka jingujor jong phi ia ka Kot jong
nga, "Ka Khanatang jong ka Hima
Sohra".**

**Ref'n : Ka Shithi jong phi kaba No. SS/D-i/
Durbar/97/347 Dt. 27. 10. 97.**

Syiem Ba don burom, -

Biang pa biang, sa shisien pat phi
lam sha ka ban ia kyrtiang dien biang sha
ka juh ka phang la kum ki khun lung, ki
bym pat sngewthuh ngi hap ban ia ktaj ha
juh shi ha juh.

Phai sha ka lam phrang jong ka-
tei ka Kot, "shi kyntien na u Nongthoh",
page ii, nga la thoh shai : "Kane ka Khana-
tang kam dei kaba nga shu thaw hi, ne thaw
stad hi katkum ka jingshemphang jong nga.
Hynrei ka dei lyngba ki khanatang kiba nga
la lam la lang na ka jingiathuh khana - pa-
teng jong ki riew tymmen bad ki riew tip
tymmen, ia kane ka khanatang
la pynlong da ka jingiakhleh lang jong ki ar tylli
ki Thymmei. Wei, ka thymmei ki tymmen. Ar,
ka thymmei ki Nongthoh". Namar kata halor
kitei ki jingpyni nia jong phi, nga don ban
pynshai kumne harum :

(1) Ha kaba iadei bad ka mat kaba nyngkong, nga la dep pynshai ia phi, hynrei sa katno sien nga dei ban pynshai ia kane ka juh? Ia kaba nga la dep pynshai mynshuwa ruh phi la klet noh? Nga la pynia ia phi ba ym dei ma nga uba ong ne thoh ba ia ka lew Umleng ne ia ka lew Sohra ne ia ka Hima Sohra la seng tang da u 12 shnong; hynrei bishar hi ma phi na kine ki Nongthoh kiba ha shuwa jong nga aiuki ong ne thoh, nga lei nga shu Compile ia kaba ki la dep thoh:-

- a) Dr. B L Swer : "Katkum ka histori, ki 12 kur jong ki 12 shnong ki long ki nongseng nongsdang ia ka Hima Sohra".
- b) L. S. Nongrum : "U Dem jait Dkhar uba na 12 shnong u Trai ka Hima Sohra".
- c) G. L. Chyne : "Ka Hima Sohra ka dei ka jong u 12 shnong u Khun Phrangsngi jong ka".
- d) Dr. H. Lyngdoh : "Ki 12 shnong ki long ruh ki trai jong iew Sohra kaba ki khot ruh ka iew Umleng".

Haba phi uxor ia kaba nga thoh, hato phi la uxor ia kitei kiwei pat? Lada phi la uxor, Mynno, Hangno bad Kumno phi la uxor? Sngewbha ban pynshai.

(2) Khublei shibun ha kaba iadei bad ka jingai jingmut jong phi, 'shaphang ka 'Pomsohmen' bad u 'Jon - Laitmiet'. Ia ka Pomsohmen nga la thoh na ki ar tvlli ki thymmei: Wei na ka thymmei: ki Nongthoh, ka ba ong ba ki Laitiam ki pom ia u Sohmen u Rangbah iapom ki Mawphu, ha ka jaka kaba ki khot haduh mynta ka 'Pomsohmen'. Ar, na ka thymmei ki tymmen, kaba iathuh ba u Nong Laitiam, u pom ia uwei (sohmen) u Nong Mawphu, ha ka jaka ba la khot haduh mynta ka 'Pomsohmen'. Kampher la ki Nong Laitiam ki ong. weimet ne sohmen, hynrei ki jingshisha hi ki kdew ba katei ka kyrteing ka don ka jingiasnoh bad katei ka jingia.

Ka jingong jong phi, ba katei ka kyrteing ka mih dei namar ba shah pyniap u Jon - Laitmiet, namar u iaid marwei na ka lynti ba sha neng bad u shah pyniap marwei. Kane ka theory jong phi kam shai; u shah pyniap da kaba shu khniot ne shu dung ne lynthem maw, ne pom pyrthat ne puh bsein? etc etc. Tharai u shah pyniap da ka ba shah khniot ne shu dung, kumno 'pat yn mih ka kyrteing Pommarwei, kumba phi ong?

'Phim dei ban sngewmong ia ka jing thoh jong nga, 'O Jon - Umeit' ha ka jaka u 'Jon - Laitmiet' namar ym don ki Nongthoh kiba ha shuwa jong nga, ki ban thoh 'Jon - Laitmiet, hynrei bun hi kiba thoh 'Jon - Um-

eit'. La kumno kumno ruh ka kdew ba Jon-
Umeit ka mut hi ba dei ia u Jon uba na
Umeit.

Ka jingong jong phi ba ki theory ne
ki jingmutdur jong nga ba baroh ka kot
..... ki long ki bym shisha. Kane ka
jingong jong phi ka long kaba bakla sha ba
palat; ka Khanatang ne ka Histori jong ka
Hima Sohra, kam dei ka Fiction ne ka No-
vel ba u nongthoh u lah ban mut dur hi
katba u sngewbit, hynrei ka dei ka History
ba u Nongthoh u pyrshang ban buh ryntih
ia ki jingjia baroh kiba u la lum na ki thym-
mei kiba thikna, kiba jia na kwei ka por
sha kawei pat Lada phi shem ha kano kano
ka lynnong, dkhoh ne synten kiba phim sngew-
thuh kylli na u nongthoh nangno u tip bad
mano ba iathuh un sa iathuh bniah ia ki
jingshisha kumba ki long. Tangba phim dei
ban long u briew uba khim mynsiem;

(3) Ka ktien tymmen ka ong: "Wat ju
peit ia u thngiat kiwei, namar ba phim iohi
ia u khung ba khmat la jong". Phi ong ba
ka thma hapteng u Syiem Buhsing bad u
Syiem Laitlyngka, ki long ki bym shisha tang
da kaba phi pynshong nongrim ba u Syiem
Buhsing u la long bun snem shuwa ia u Syiem
Laitlyngka. Phi tip katno ngut ki Syiem
Laitlyngka ki don ha ka Hima Nongkhlaw?
Lada phim tip wad bad pule ia ka histori
(khanatang) shaphang ki Syiem Nongkhlaw,

hangta phin shem ba don lai ngut ki Syiem Nongkhlaw ha ka kyrteng Laitlyngka ha la ki pateng bad por ba iapher. Namarkata ha ba phi tip tang shiteng wat thoh ne wat sngew pat kumba phi la tip lut naduh basdang haduh kaba kut, namar ka pyntad der pynban ia la ka jingtip; ioh urlong kumba ong ka ktien phareng: "A little learning is very dangerous".

(4) Kaei ka jingmut jong phi da kafa phi ong, "self contradictory" ia ka theory jong ka iew Rangjyrteh. Wat ki paidbah bym nangthoh nangpule ruh ki tip shaphang ka jingdon jong kane ka iew ha ki por mynshuwa. Ha ka page 56 nga thoh shaphang ka jingsdang ne ka jingmih jong ka iew Rangjyrteh bad ha ka page 73 pat shaphang ka jingpynduh ne jingkut jong ka. Te haba nga thoh shaphang ka jingsdang bad ka jingkut jong ka kumba ka long, phin ong ba nga thoh bakla?

(5) Ha ka pateng jong ngi mynta, ngi sngewsarong ba ngi la iaphong patlun, ngi iariam sut bad ngi ia deog nek-tai. Hynrei hato phin sngewrem? Lada don ba thoh ba ki kpa tymmen jong phi myhshuwa ki shu SLIENG. Phi tad ne rem ia ka jingshisha phim lah ban len. Kumjuh ruh ki Nong Maraikaphon, mynta ki sngewsarong ba wat la ha ka por mynbyndat ka dei ka jak ba la pynkyrpang ban shong kita ki kht-lai nuid, Hynrei mynta ka la kylla long ka shong

ba shong ki riew don burom bad ki riew
 khraw, hangne la tei bad seng nongrim ruh
 ia ka Mission bad ia ka skul ba pawnam
 jong ka Balang Catholic; ha kaba nangne la
 mih bun bah ki riew don burom bad ki riew
 khraw jong ka Ri. Ki Nong Khliehshnong
 ruh kumjuh hi, ki sngew ar,ong ba mynta
 ym dei shuh ka jaka ka ban shong shnong
 da kita ki wan wir ki wan hap kum ha
 ka por mynhyndai, hynrei ki dei hi ki khun
 ki hajar bad wat u Syiem Sohra ruh u shong
 ha Khliehshnong:

Kitei ki jingthoh jong nga ki long
 tang ban pyni ia ki jingjia ha ki por myn-
 shuwa, ki pynsabut ruh ha ki longdien long-
 bud ia ki rukom trei kam bad ia ka rukom
 synsbar khadar ki Syiem Sohra hyndai, Hyn-
 rei phi pat phi ong ba katei ka jingthoh ka
 pynmong ia ka jingsngew kitei ki dong. Pyn-
 ban ka jingshisha nga tip ba ka long tang
 ka jingpynkbih ka jong phi. Kumba nga la
 ong ia phi ba haba nga thoh ia kano kano
 ka bynta ha kane ka kot, nga thoh halor
 ki nongrim bad ki jingtip kiba thikna, kum-
 ta ha kaba iadei bad kane ruh nga don ki
 sakhi. 'And if neccessary a document can
 be produced in the right time and in the
 right place'.

(6) Phi ong ba ka jingthoh jong nga sha-
 phang ka 'Noiabasti'. ka long kaba bakla bad
 ha ka juh ka por pat phi ong ba ka Noia-
 basti ka dei ka kyrteng sin ki dkhar. Te

myntno ba'd hangno heit nga thoh ba ka dei ka bym sin ki dkhar? Ia ka jingshisha phim dei ban sngewrem ba ia kane ka shnong haduh mynta ruh dang don bi kiba khot ka shnong Noia. kumba dang don bun kiba khot ne thoh Cherra ne Cherrapunji ia ka Sohra. Namar kata phim dei ban kynnoh ne ong ba nga sin nga kynta ma nga ia katei ka shnong.

7 Phi ong ba ka long ka bym shisha ba ka don ka jingiatch kular hagdeng ka jaid Syiem bad ki 12 shnong, phi ong ruh ym don dulir ne doskot. Hato phi la klet ba ha ka 30 - 5 - 92, haba la don ka jingiakyn-duh lang hagdeng ki Kur Syiem bad ki 12 shnong, phi kum u Knie ki Kur Syiem phi la soi la sain ia katei ka dulir ha ryngkat lang ki Kur Syiem jong phi bad ki Rangbah na 12 shnong. Shi Copy jong katei ka Dulir ka don bad nga. Namar kata phim lah ban len namar ka soi ka sain jong phi ka paw tyngkrein ha katei ka Dulir.

(8) Ban wad daw khlem nongrim ia kiwei kam long kaba suk: Ha ka lynnong, page, dkhot bad synten kaba katno? Phi shem ba nga buh 'nongrim' ne jer 'Durbar hima', ia ka jingialang 24 - 10 - 92, jong ka Syiemsad. Ia kaba nga khlem jer ne thoh sngewbha wat pynjer ne wat pynthoh. Kane hi ka pynsabut ba phi shu kwah wad daw tang ban loh pynhiar kput bad ban pynbud nam khlem nongrim ia u Nongthoh. Ha ka

jingshisha dei pynban ma phi uba ong ka 'durbar' ia katei ka jingialang.

Ia ka jingong jong phi ba katkum ka Riti, ka Syiemsad ne ka kynthei kam dei bad bit ban pynlong ne khot ia ka Durbar Hima, hynrei aui pat phi don ban ong halor ka Herbert's Report, kaba ong ba ka Syiemsad ne Kynthei ka lah wat ban long Syiem ruh?

(9) Nga khlem kren lam'er, ha kaba ia dei bad ka Durbar Hima jong phi ka dt. 19. 11. 94. ha kaba katkum ka subject jong katei ka shithi ka long: "Ka rai jong ka durbar Hima 19- 11 - 94." Katei ka shithi kam ong" ba la wanrah da uwei u riew Rangbah", kumba phi la kynnoh mynta. Hynrei katei ka shithi 19 - 11 - 94, ka la pynpaw ba ka durbar Hima ka la rai bad phah ia katei ka copy sha ki Sordar/Rangbah shnong/Motabor/Elector ka Hima ba kin iapyrkhat bad ai jingmut; hynrei ka jingpyrkhat ne ai jingmut aui shuh phin dang khmih lynti, haba shisien ba la iapyrkhat la ia ai jingmut bad ba la rai ha ka Durbar Hima, ka mut hi ba la rai da ki Sordar/Rangbah shnong/Motabor/Elector kiba long ki dkhot ka Durbar Hima bad kano kano ka durbar kaba khlem ma ki ruh ym lah ban ong ba ka dei ka Durbar Hima.

Ha kaba iadei bad kane kaba shisha ka long ba ka Gauhati High Court jong ka Shillong Bench hapoh ka jinglong nongbisha

U D. N. Baruah bad u Dr. S. L. Sarmah. kat-kum ka stithi kaba Civil No. 60 (SH) of 1995/782/95. dt 24 - 2 - 95, ha ka page 2, line 3 & 4 la thoh shai : "Meanwhile Annexure - 11 letter dated 19. 11. 94 issued by Syiem of Sohra is stayed".

Lada ym dei ba mih kane ka order na ka High Court nga ngeit ba ka jingpyn-khreh jong phi ban pynlong kam ia katei ka jingthmu ka la iaid shaphrang

10 Haba nga thoh ba u Freemansing Syiem u long uba shida bad khuid mynsiem ; hynrei nga khlem kynthoh ne nga khlem niewbein pat ia ka Executive Dur-bar Hima Sohra. Hynrei ki long tang kum ki kyntien u Ceasar, haba u ong "Et too Brotus", hynrei kitei ki kyntien ki la biang pat ban pynduh thiah duh dem ia u Brotus. Ne kumba ong ka ktien tymmen, "Haba siat ther ia u khnam khlem da thew iano iano ruh, tangba kat haba u leit dei te hangta la khynniuh".

(11) Ka jingthoh bnfah jong nga ia ka jingialang 24 - 10 - 92 jong ka Syiemsad, namur kane ka daw : - i) Dei ha kane ka jingialang ba la weng nob ka Syiemsad ia ka Rap iing Kur ia u Freemansing Syiem.

ii) Dei ruh ha kane ka ang ba ka Syiemsad ka la wjet sha ka District Council ban

weng noh ia u Freemansing Syiem na ka khet Syiem.

iii) Dei ruh ha kane ka sngi ba la sdang ka jingialeh Mukotduma ka bym pat ju jia ha ka histori jong ka Hima Sohra ba la ialeh hapteng u Syiem bad ka Syiemsad.

Ka kamram jong nga kum u Nongthoh ka long, ban thoh ia ki jingjia bad balei ki jia? Mynno bad hangno ki jia? Kumno ka sdang bad kumno ka kut? Lada nga shu thoh tang kumba phi ong ba "la thung biang ia u Syiem Freemansing Syiem - ba kam long ka sabut kaba biang halor ki jingkyndoh". Lada ngam thoh bniah ia ki jingkyndoh, lehse ki nongpule kin sah ha ka um dum bad kan long ruh ka jingthoh kaba dkoh. Ki nongpule ruh kin kylli pynban: Balei la thung biang? Mynno bad kumno la weng? Manq ba kyndoh bad kiei kita ki jingkyndoh? Mynno - hangno bad kumno la kyndoh?

Phi ong ba katei ka jingthoh jong nga ka long kaba be - ain, hato phi nud ban len ba phi khlem ialeh Mukotduma bad ka Syiemsad? Balei na ka liang jong phi, phi sngewmong la kane ka jingthoh jong nga da kaba phi ong ba ka ktah mationg ia u Syiem bad ka Hima. Hytrei phi tip wat lada ngan nym thoh ruh pynban shisien ba la don ka jingialeh hapteng u Syiem bad ka Syiemsad

ka long ym tang ka jingktah mat iong, hynrei ka long ruh ka jingiah burom kaba khraw ym tang ia phi u Syiem bad ka Hima, hynrei kumjuh ruh ia ngi ki khun ki hajar hapoh ka Hima.

Kitei ki jingpynshai ne ki jingpyni nia jong phi, kim pat biang, kim iahap bad ki laid lait ia ka shithi uxor jong phi kaba phi la ai mynshuwa, namar phi khlem pynshai bniah ia kawei pa kawei ka mat halor ka jubab jingthoh ba nga la ai katkum ka shithi uxor jong phi kaba mynshuwa. Hynrei phi shu said ksan jubor khlem nongrim. Phi ong pynban ba katei ka Kot ka ialam bakla bad pynbakla ia ki riti dustur, ka khrong ka dan, ka bishar ka synshar ka Hima. Ha kano ka rukom ka ialam bakla bad kumno ka pynbakla bad balei ka ktah ia ka khrong ka dan? Ban tip ia ka mynnor hato ka ktah ia ka rukom synshar khadar kaba mynta?

Ngi ia pule ia ki History jong kiwei pat ki jait bynriew ngi shem ba ar hajar snem tam mynshuwa ruh ngi tip lyngba ki History jong ki, mano ba synshar ia ki bad kumno ki synshar? U Syiem aiu uba bha bad u Syiem aiu pat uba sniew? Bad kumno ka long ka man kata ka jait bynriew? Hynrei sngewsih ban ong ba ka jait bynriew jong ngi wat tang 100 snem mynshuwa ruh ngim tip ia la ka jong ka History, bad kumba ong ki riw stad, 'the more we learn the more we find that we are ignorant'. Kaba kham sngewsih shuh shuh ka long ba ia kiba kum ma ngi kiba pyrshang bad trei shitom

ban tih ban wad ia, ia ka thymmei; hynrei
 phi pat da ka bor Syiem jong phi phi pyrshang
 bad khanglad bad phi pyrshah jubor just ban
 pynduh jingkyrmen ha ka jaka ba phin ai
 jingkyrmen.

Te halor kitei ki jingshisha ba nga la pyni
 nia bad pynshai haneng, ngam i don daw ban
 ia kubur lem bad phi lymne ban mynjur ia
 katei ka jingbthah jong phi ban weng noh ia
 katei ka kot. Hynrei nga kyrpad ia phi ba
 phin sngewbha ban bret noh ia kane ka jing
 long khim mynsiem jong phi bad to ngin ia
 ring mynsiem lang ia kane ka juh ka lyer
 leit Ri U Myllung Soso Tham (Bam kwai ha
 iing u Blei):-

“Jingshai ngi wad sawdong pyrthei :
 Jingshai ka Ri ngim khein eiei :
 Kum kiwei pat ki sngi kin mih,
 Jingshai barim baroh ngin tih”.

Da kumta kein kan urlong ka jing-
 angnud jong u :-

“Sa shisien pat kin win ki khlaw,
 Sa shisien pat kin khiih ki maw ;”

Shuwa ba ngan pynkut, sa shisien pat
 nga kyrpad bad dawa na phi ba phin weng
 noh ia katei ka shithi uxor jong phi, kaba

No.SS/D - i/Durbar/97/42 ut. 22 - 1 - 97. Lym-
kumta kine ki shithi jol_ phi baroh ar kin
sa don la ka jong ka dor.

Khublei,

Ba burom ia phi,
Sd/-

(B. V. Rymmai)
Nongthoh

Ka Khanatang jong ka Hima Sohra.


Dated : Pdeng Shnong - Sohra,
The - 28th November 1997.

Copy sha :-

1. Secretary,
Khasi Author Society,
Shillong.
2. Secretary,
Catholic Author Guild,
Shillong.
3. Dr. B. L. Swer,
Head Department Khasi,
N. E. H. U, Shillong.

Ban tip

(B. V. Rymmai)



KI KOT DA U JUH U NONGTHOH

1. U Namksiar Ka Jingieit
Thup I & II Rs 30.00
2. Ka Khanatang Jong Ka Hima Sohra
.... Rs. 60.00.
3. Na ka Buaid Niam Sha Ka Shemlanot
Bad Halor Ka Jinguor Ia Ka Khanatang
Jong Ka Hima Sohra ... Rs. 30

BAN SA MIH

**U Khun Hynniew Trep & U Khun
3, 4, & 9 Bynta (Traditional History)**

**Lah ban ioh na Khasi Book Stall
Bad na kiwei kiwei ki Dukan die kot.**